

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENAMA I DOPUNAMA ZAKONA O AGENCIJAMA I UNUTRAŠNJIM
SLUŽBAMA ZA ZAŠTITU LJUDI I IMOVINE**

Sarajevo, maj 2012.

**ZAKON
O IZMJENAMA I DOPUNAMA ZAKONA O
O AGENCIJAMA I UNUTRAŠNJIM SLUŽBAMA ZA ZAŠTITU LJUDI I IMOVINE**

Član 1.

U Zakonu o agencijama i unutrašnjim službama za zaštitu ljudi i imovine („Službene novine Federacije Bosne i Hercegovine“, broj 78/08) u članu 2. stav 3. mijenja se i glasi:

„Agencije ne mogu obavljati poslove posredovanja u naplati potraživanja i poslove privatnog detektiva.“

Iza stava 3. dodaje se novi stav 4. koji glasi:

„Institucije Bosne i Hercegovine mogu organizirati zaštitu ljudi i imovine u skladu s ovim zakonom, do donošenja zakona Bosne i Hercegovine za ovu oblast.“

Član 2.

Iza člana 3. dodaje se novi član 3a. koji glasi:

„Član 3a.

Federalno ministarstvo unutrašnjih poslova - Federalno ministarstvo unutarnjih poslova i kantonalni organ unutrašnjih poslova u rješavanju zahtjeva stranaka radi utvrđivanja činjeničnog stanja i donošenja rješenja o pitanjima utvrđenim ovim zakonom postupaju po odredbama Zakona o upravnom postupku („Službene novine Federacije BiH“, br. 2/98 i 48/99), osim u slučajevima u kojima je ovim zakonom drugačije određeno.“

Član 3.

U članu 4. stav 1. mijenja se i glasi:

„U djelatnost agencije spadaju poslovi koji se odnose na zaštitu ljudi i imovine i obavljaju se kao fizička i/ili tehnička zaštita, na način uređen ovim zakonom i podzakonskim propisima donesenim na osnovu ovog zakona.“

U stavu 2. na kraju teksta iza riječi „imovine“ dodaju se riječi: „i fizička zaštita lica u pokretu (bliska zaštita)“.

U stavu 3. u trećem redu iza riječi „potrebe“ stavlja se tačka, a preostali dio teksta briše se.

Član 4.

Iza člana 4. dodaje se novi član 4a. koji glasi:

„Član 4a.

U okviru djelatnosti agencije iz člana 4. ovog zakona poslovi zaštite ljudi i imovine obuhvataju sljedeće:

- 1) osiguranje privrednih, poslovnih, stambenih i drugih objekata;
- 2) fizičku zaštitu lica (bliska zaštita);
- 3) osiguranje prijevoza, pratnje i prijenosa novca, vrijednosnih papira i dragocjenosti;
- 4) zaštitu prirodnih dobara i čovjekove sredine;

- 5) osiguranje održavanja sportskih takmičenja, kulturnih i drugih manifestacija i javnih okupljanja.“

Član 5.

Član 5. mijenja se i glasi:

„Poslovi zaštite ljudi i imovine ne podrazumijevaju ulično patroliranje u naselju, kao ni patroliranje u industrijskim i saobraćajnim centrima te patroliranje saobraćajnim sredstvima na moru, rijekama i jezerima, koji spadaju u nadležnost policije i obavljaju se po posebnim propisima.“

Član 6.

U članu 9. stav 2. na kraju teksta dodaje se nova rečenica koja glasi: „U sudski registar mogu se upisati i poslovi servisiranja i održavanja sistema tehničke zaštite.“
St. 3. i 4. brišu se.

Član 7.

Član 10. mijenja se i glasi:

“Agencija koja ima namjeru da obavlja samo poslove fizičke zaštite ili poslove i fizičke i tehničke zaštite na području drugog kantona u odnosu na mjesto sjedišta agencije dužna je osnovati podružnicu koja ima status podružnice predviđene za privredna društva.

Podružnica iz stava 1. ovog člana dužna je pribaviti odobrenje za obavljane poslova fizičke zaštite, odnosno za poslove fizičke i tehničke zaštite od kantonalnog organa unutrašnjih poslova prema mjestu sjedišta podružnice.

Odgovarajuća tehnička sredstva i oprema za obavljanje poslova fizičke zaštite u podružnicama i tehničke zaštite iz člana 10a. ovog zakona bliže će se urediti propisom iz člana 11. stav 2. ovog zakona.

Odgovorno lice agencije može biti istovremeno i odgovorno lice podružnice ako nije određeno posebno odgovorno lice za podružnicu.

Podružnica se upisuje u sudski registar suda u kojem je upisana agencija, a primjerak tog rješenja dostavlja se kantonalnom organu unutrašnjih poslova na čijem području podružnica ima sjedište.

Izuzetno, podružnica iz stava 1. ovog člana ne mora se osnivati za obavljanje poslova fizičke zaštite lica (bliske zaštite), pratnje prijevoza i prijenosa novca, vrijednosnih papira i dragocjenosti, osiguranje radova na miniranju terena i drugih poslova koji ne traju duže od pet dana u toku mjeseca, s tim što je agencija dužna o obavljajući tih poslova pismeno obavijestiti kantonalni organ unutrašnjih poslova na čijem se području obavljaju ti poslovi najkasnije tri dana prije početka obavljanja tih poslova i tom organu dostaviti ovjerenu kopiju ugovora o obavljajući tih poslova.”

Član 8.

Iza člana 10. dodaje se novi član 10a. koji glasi:

“Član 10a.

Agencija koja ima namjeru da obavlja samo poslove tehničke zaštite na području dugog kantona nije dužna osnovati podružnicu:

1) ako ima saglasnost Federalnog ministarstva za pravna lica iz člana 26. stav 2., člana 26b. stav 2. i člana 38. stav 5. ovog zakona, s tim što je dužna o obavljanju tih poslova pismeno obavijestiti kantonalni organ unutrašnjih poslova na čijem području treba da obavlja te poslove najkasnije tri dana prije početka obavljanja tih poslova i tom organu dostaviti ovjerenu kopiju ugovora za te poslove,

2) ako ima namjeru da obavlja poslove tehničke zaštite za pravna lica iz člana 26. stav 3., člana 26b. stav 1. i člana 38. ovog zakona, mora prethodno pribaviti samo odobrenje za obavljanje poslova tehničke zaštite od kantonalnog organa unutrašnjih poslova na čijem se području trebaju obavljati ti poslovi.”

Član 9.

U članu 12. tačka 2) riječi “oglašeno odgovornim“ zamjenjuju se riječju „osuđeno“, a na kraju teksta riječ „nasilja“ zamjenjuje se riječima: „nasilničkog ponašanja (tuča i sl.)“.

U tački 4) na kraju teksta tačka se zamjenjuje zarezom i dodaju riječi: “ako nadležni organ pitanje ovih lica nije drugačije riješio“.

Iza stava 1. dodaje se novi stav 2. koji glasi:

“Kantonalni organ unutrašnjih poslova po službenoj dužnosti utvrđuje činjenicu iz tačke 2) stav 1. ovog člana i člana 16. stav 1. tačka 4) ovog zakona, koja se odnosi na to da lice nije osuđivano za krivično djelo na osnovu podataka iz službene evidencije koju vodi o tim činjenicama samo ako se taj podatak za to lice nalazi u evidenciji tog organa.”

Član 10.

Iza člana 12. dodaje se novi član 12a. koji glasi:

„Član 12a.

Osnivač agencije može biti strano pravno i fizičko lice koje ima odobrenje za obavljanje djelatnosti zaštite ljudi i imovine izdato od države članice Evropske unije.

Osnivanje agencije po stavu 1. ovog člana vrši se u skladu s odredbama ovog zakona na osnovu odobrenja za rad koje izdaje Federalno ministarstvo. Odobrenje se izdaje po principu reciprociteta.“

Član 11.

U članu 13. iza stava 3. dodaju se novi st.: 4., 5. i 6. koji glase:

„U slučaju promjene naziva agencije ili podružnice ili odgovornog lica ili sjedišta agencije, odnosno podružnice ili osnivača ili djelatnosti (fizička ili tehnička zaštita) agencija je dužna podnijeti zahtjev kantonalnom organu unutrašnjih poslova da se te promjene izvrše u rješenju kojim je agenciji dato odobrenje za rad, ako se te činjenice nalaze u tom rješenju.

Promjene iz stava 1. ovog člana vrše se u roku od osam dana od dana prijema akta registarskog suda koji se prilaže uz zahtjev i promjena u rješenju vrši se na osnovu tog sudskog akta.

Ako agencija obavlja poslove sa minimalnim brojem lica, od pet, odnosno deset, pa se iz bilo kojih razloga taj broj smanji ispod minimuma, u tom slučaju dužna je o tome u roku od osam dana od nastale promjene obavijestiti kantonalni organ unutrašnjih poslova koji je izdao odobrenje za rad ili podnijeti zahtjev za produženje važenja odobrenja. Odobrenje se može produžiti do 30 dana dok agencija ne izvrši popunu broja lica koja nedostaju.“

Član 12.

U članu 15. iza stava 2. dodaje se novi stav 3. koji glasi:

„Ako osnivač agencije nije počeo sa radom u roku iz stava 1. ovog člana, dužan je o tome obavijestiti kantonalni organ unutrašnjih poslova koji je izdao odobrenje za rad ili može prije isteka tog roka podnijeti zahtjev kantonalnom organu unutrašnjih poslova da se taj rok produži za još do 60 dana. Odobrenje se može produžiti ako se utvrdi da agencija nije mogla početi sa radom iz objektivnih razloga (teška bolest osnivača agencije ili drugi opravdani razlozi koje u postupku rješavanja zahtjeva utvrdi kantonalni organ unutrašnjih poslova).“

Član 13.

Član 16. mijenja se i glasi:

„Poslove fizičke i tehničke zaštite iz nadležnosti agencije mogu obavljati samo lica koja ispunjavaju sljedeće uvjete:

- 1) da su državljani Bosne i Hercegovine;
- 2) da imaju certifikat za obavljanje poslova zaštite predviđen ovim zakonom, s tim što se uzima u obzir i certifikat izdat od nadležnog organa države Evropske unije koji odgovara programu iz člana 17. ovog zakona;
- 3) da su tjelesno i duševno sposobni obavljati poslove zaštite;
- 4) da protiv lica nije pokrenut krivični postupak, da nije osuđivano za krivično djelo za koje je izrečena zatvorska kazna, osim krivičnih djela protiv sigurnosti javnog saobraćaja, odnosno da nije osuđeno za prekršaj protiv javnog reda i mira s obilježjima nasilničkog ponašanja (tuča i sl.);
- 5) da ne može biti lice koje je bilo koji organ za provođenje zakona u Bosni i Hercegovini otpustio zbog nesavjesnog obavljanja dužnosti;
- 6) da ima školsku spremu utvrđenu u članu 18. stav 1. ovog zakona.

Uvjeti iz stava 1. ovog člana odnose se i na odgovorno lice agencije.

Agencija je dužna da obavijesti kantonalni organ unutrašnjih poslova ukoliko je njen zaposlenik pravosnažno osuđen za prekršaj protiv javnog reda i mira s obilježjima nasilničkog ponašanja ili je optužnica za krivično djelo stala na pravnu snagu, odnosno da je pravosnažno osuđen za krivično djelo. Obavještenje se vrši u roku od osam dana od dana saznanja za te činjenice.

Ako lice iz stava 1. ovog člana bude pravosnažno osuđen za krivično djelo iz stava 1. tačka 4) ovog člana na uvjetnu osudu, u tom slučaju Federalno ministarstvo donosi rješenje, kojim tom licu zabranjuje rad na poslovima fizičke i tehničke zaštite najmanje na period izrečene uvjetne osude.

Federalni ministar unutrašnjih poslova, u saradnji sa federalnim ministrom zdravstva, propisuje kriterije za provjeru zdravstvene sposobnosti iz tačke 3) stav 1. ovog člana.“

Član 14.

U članu 17. st. 2. i 3. mijenjaju se i glase:

„Obuka iz stava 1. ovog člana izvodi se prema programu obuke koji utvrdi federalni ministar unutrašnjih poslova, s tim što se u izradi i provođenju programa mogu angažirati naučne, istraživačke, visokoškolske i druge institucije.

Organiziranje i izvođenje obuke obavlja Federalno ministarstvo.“

Član 15.

U članu 18. stav 1. mijenja se i glasi:

„Obuku za sticanje sertifikata za obavljanje poslova fizičke i tehničke zaštite mogu pohađati lica koja pored uvjeta utvrđenih u članu 16. stav 1. tačka: 1), 3), 4) i 5) ovog zakona imaju završenu najmanje srednju školu, a lica koja obavljaju poslove tehničke zaštite imaju završenu srednju školu – IV stepen iz oblasti mašinstva, elektrotehnike i saobraćaja, odnosno završenu srednju školu – III stepena, zanimanje elektroničar i električar telekomunikacija, a odgovorno lice treba da posjeduje najmanje višu školsku spremu.“

Iza stava 1. dodaje se novi stav 2. koji glasi:

„Certifikat iz stava 1. ovog člana ne može steći lice koje je COMSFOR smijenio iz vojne službe, u skladu s Uputstvom stranama, ako nadležni organ pitanje ovih lica nije drugačije riješio.“

U stavu 4. na kraju teksta tačka se briše i dodaju riječi: „stim da rješenje kojim se odobrava pohađanje obuke važi godinu dana“

Dosadašnji st.: 2., 3., 4., 5. i 6. postaju st.: 3., 4., 5., 6. i 7.

Član 16.

U članu 20. stav 3. mijenja se i glasi:

„Agencija je obavezna primjerak ugovora iz stava 1. ovog člana dostaviti kantonalnom organu unutrašnjih poslova u sjedištu agencije, odnosno u sjedištu podružnice u roku od sedam dana od dana njegovog sklapanja, odnosno raskidanja, s tim što je dužna primjerak tog ugovora koji se odnosi na pravna lica iz člana 26. stav 2. ovog zakona i pravna lica određena aktom Vlade Federacije iz člana 26a. ovog zakona u istom roku dostaviti i Federalnom ministarstvu.“

Član 17.

U članu 22. na kraju teksta tačka se zamjenjuje zarezom i dodaju riječi: „u skladu sa Zakonom o radu i drugim općim propisima o radu.“.

Iza stava 1. dodaje se novi stav 2. koji glasi:

„Ako agencija obavlja poslove iz svoje nadležnosti neprekidno ili povremeno u smjenama 24 sata, u tom slučaju rad u smjenama se raspoređuje tako da ukupno radno vrijeme zaposlenika u toku godine u prosjeku ne može biti duže od 40 sati

sedmično, s tim da jedna smjena ne može trajati duže od 12 sati, što se utvrđuje u aktu o rasporedu smjena i u ovim slučajevima za zaposlena lica mora se osigurati dnevni odmor od najmanje 12 sati neprekidno.“

Član 18.

U članu 24. stav 1. u trećem redu riječ „osoblja“ zamjenjuje se riječima: „certificiranog osoblja za poslove fizičke zaštite, računajući i odgovorno lice“.

U stavu 2. iza zatvorene zagrade stavlja se tačka, a preostali dio teksta briše se.

St.: 3., 4. i 5. mijenjaju se i glase:

„Oružje iz stava 2. ovog člana može nabaviti i vlastita unutrašnja služba zaštite aerodroma, kao i druga pravna lica određena propisom iz stava 6. ovog člana.“

Odobrenje za nabavku oružja iz st.: 1., 2., i 3. ovog člana izdaje se uz prethodnu saglasnost Federalnog ministarstva.

Federalni ministar unutrašnjih poslova utvrđuje pojam oružja kratke cijevi, kalibar oružja i druga pitanja u odnosu na oružje iz st.: 1., 2. i 3. ovog člana.“

Član 19.

U članu 25. stav 1. mijenja se i glasi:

„Agencije su dužne organizirati periodičnu provjeru sposobnosti rukovanja oružjem za lica koja obavljaju poslove fizičke zaštite i provjeru zdravstvene i psihofizičke sposobnosti svih lica koja obavljaju poslove fizičke ili tehničke zaštite, s tim da se na određenim radnim mjestima tehničke zaštite mogu angažirati invalidna lica koja mogu obavljati te poslove, kao i organizirati stručnu obuku za lica koja obavljaju poslove fizičke i tehničke zaštite.“

U stavu 2. na kraju teksta iza riječi „agencije“ dodaju se riječi: „i stručnu obuku za lica koja obavljaju poslove fizičke i tehničke zaštite“.

Stav 3. briše se.

Član 20.

Iza člana 25. dodaje se novi podnaslov 2a. koji glasi:

„2a. Pravna lica u kojima se obavezno organizira zaštita ljudi i imovine“.

Član 21.

Član 26. mijenja se i glasi:

„Pravna lica koja se bave poslovima utvrđenim u st. 2. i 3. ovog člana i člana 26a. ovog zakona, za obavljanje poslova fizičke i tehničke zaštite svog ljudstva, objekata i prostora, dužna su organizirati vlastitu unutrašnju službu zaštite ili angažirati agenciju zaključenjem ugovora.“

Poslove fizičke i tehničke zaštite u pravnim licima koja vrše praćenje, osiguranje prijevoza i prijenosa novca, vrijednosnih papira i dragocjenosti, kao i pravnim licima u čijoj strukturi kapitala Federacija ima vlasnički udio i pravnim licima koja proizvode, koriste, skladište i prevoze radioaktivne ili zapaljive materije,

eksploziv, nuklearno gorivo i otpatke ili vrše proizvodnju, preradu, distribuciju i skladištenje nafte i naftnih derivata kapaciteta iznad 1.000 m³ i gasa ili se bave proizvodnjom i distribucijom električne energije, mogu obavljati samo vlastite unutrašnje službe zaštite ili agencije koje pored odobrenja za rad kantonalnog organa unutrašnjih poslova imaju i posebnu saglasnost Federalnog ministarstva. Saglasnost se izdaje u obliku rješenja.

Poslove fizičke i tehničke zaštite u pravnim licima koja se bave eksploatacijom izvorišta pitke i mineralne vode ili proizvode ili koriste opasne i štetne materije po ljude, materijalna dobra i okoliš koje nisu obuhvaćene u stavu 2. ovog člana, proizvodnju, preradu, distribuciju i skladištenje nafte i naftnih derivata kapaciteta do 1.000 m³ mogu obavljati vlastite unutrašnje službe zaštite ili angažiranje agencije zaključenjem ugovora.

Vlada Federacije će odrediti minimalni iznos i količinu opasnih i štetnih materija koje trebaju da se štite u skladu s ovim zakonom te način i postupak njihove zaštite i druga pitanja koja se odnose na zaštitu tih materija.“

Član 22.

Iza člana 26. dodaju se novi čl.: 26a, 26b i 26c. koji glase:

„Član 26a.

Pravna lica u kojima Federacija ima vlasnički udio, kao i pravna lica koja je osnovala Federacija, svojim aktom određuje Vlada Federacije, a pravna lica za ista pitanja iz nadležnosti kantona određuje vlada kantona, odnosno za ta pitanja iz nadležnosti općine i grada određuje općinski načelnik, odnosno gradonačelnik.

Član 26b.

Za obavljanje poslova fizičke i tehničke zaštite u pravnim licima koja se bave čuvanjem i transakcijom novca, vrijednosnih papira i dragocjenosti, što se odnosi na banke, mikrokreditne organizacije, štedionice, mjenjačnice, kladionice, kockarnice, kasina, Lutriju BiH, pošte, operatere telekomunikacija i uplatno-isplatna mjesta novca i vrijednosnih papira javnih preduzeća i drugih pravnih lica, dužna su organizirati vlastitu unutrašnju službu zaštite ili angažirati agenciju.

Banke, centri pošta, Lutrija BiH i operateri telekomunikacija za organiziranje vlastite unutrašnje službe zaštite ili angažiranje agencije moraju imati saglasnost Federalnog ministarstva.

Zaštita iz stava 1. ovog člana odnosi se na zaštitu gotovog novca, vrijednosnih papira i dragocjenosti čiji se prijevoz i prijenos vrši na području Federacije, kao i zaštita lica koja obavljaju poslove gotovim novcem, vrijednosnim papirima i dragocjenostima i podataka pribavljenih primjenom mjera zaštite.

Prijevoz i prijenos novca, vrijednosnih papira i dragocjenosti može se vršiti samo blindiranim vozilom i sigurnosnom kasom, odnosno spremnikom, za šta se mora imati odobrenje Federalnog ministarstva koje se izdaje u skladu sa propisom iz stava 5. ovog člana. Odobrenje se izdaje u obliku rješenja.

Vlada Federacije će, na prijedlog federalnog ministra unutrašnjih poslova, propisati način i postupak obavljanja mjera zaštite, uvjete za korištenje blindiranih vozila i sigurnosnih kasa, odnosno spremnika, vršenje prijevoza i prijenosa gotovog novca, vrijednosnih papira i dragocjenosti i druga pitanja koja se odnose na prijevoz, odnosno prijenos ovih sredstava.

Član 26c.

Pravna lica iz čl.: 26., 26a, i 26b. stav 1. ovog zakona obavezna su izraditi procjenu ugroženosti i elaborat o zaštiti prema propisu iz stava 3. ovog člana.

Saglasnost na akte iz stava 1. ovog člana daju:

Federalno ministarstvo - za pravna lica iz člana 26. stav 2. i člana 26a. ovog zakona koja su određena aktom Vlade Federacije, kao i pravna lica iz člana 26b. stav 2. ovog zakona;

kantonalni organi unutrašnjih poslova - za pravna lica iz člana 26. stav 3. i člana 26a. ovog zakona koja su određena aktom vlade kantona i aktom općinskog načelnika, odnosno gradonačelnika, kao i pravna lica iz člana 26b. stav 1. ovog člana a koja nisu obuhvaćena stavom 2. tog člana.

Federalni ministar unutrašnjih poslova donosi metodologiju o sadržaju i načinu izrade procjene ugroženosti i elaborat o zaštiti iz stava 1. ovog člana.“

Član 23.

Član 27. mijenja se i glasi:

„Čuvari koji obavljaju poslove fizičke zaštite objekata, prostora i imovine ovlašteni su za preduzimanje sljedećih radnji:

- 1) provjeriti identitet lica koja ulaze ili izlaze iz zaštićenog objekta ili prostora i u samom prostoru koji se štiti;
- 2) upozoriti lice da se udalji iz prostora ili objekta koji se osigurava ako se neovlašteno nalazi ili zadržava u tom prostoru, odnosno objektu;
- 3) spriječiti neovlaštenom licu ulazak u prostor ili objekt koji se osigurava;
- 4) zadržati lice zatečeno u prostoru ili objektu koji se osigurava u izvršenju krivičnog djela do dolaska policije;
- 5) spriječiti neovlašten ulazak, odnosno izlazak vozila ili lica sa prtljagom iz prostora ili objekta koji se osigurava, kao i obaviti pregled tih vozila i lica;
- 6) privremeno ograničiti kretanje licu u šticienom objektu ili prostoru, kada je to neophodno;
- 7) osigurati mjesto događaja do dolaska policije;
- 8) upotrijebiti fizičku silu;
- 9) upotrijebiti vatreno oružje.

U obavljanju poslova iz stava 1. ovog člana čuvar može upotrijebiti najmanju potrebnu silu i o upotrijebljenoj sili odmah upoznati odgovorno lice agencije.

Prava i dužnosti iz stava 1. ovog člana čuvar može ostvariti samo u šticienom objektu ili prostoru, a ovlaštenja iz tač. 8) i 9) stav 1. ovog člana koristi prilikom pratnje, prijevoza i prijenosa novca, vrijednosnih papira i dragocjenosti i fizičke zaštite lica (bliska zaštita).

Prilikom primjene ovlaštenja iz stava 1. ovog člana niko ne smije biti podvrgnut mučenju, nečovječnom ili ponižavajućem postupanju, niti se smiju izazivati veće štetne posljedice od onih koje bi nastupile da čuvar nije primijenio ta ovlaštenja.

Čuvar koji zadrži lice iz tačke 4) stav 1. ovog člana dužan je odmah o tome obavijestiti policiju i upoznati je sa razlozima zadržavanja te postupati prema uputama dobijenim od policije do njenog dolaska.

Federalni ministar unutrašnjih poslova propisat će sadržaj, obaveze i način obavljanja radnji iz stava 1. ovog člana, kao i način korištenja fizičke sile iz člana 28. i upotrebu vatrenog oružja iz člana 29. ovog zakona i druga pitanja koja se odnose na način ostvarivanja prava i dužnosti iz te odredbe.“

Član 24.

Član 29. mijenja se i glasi:

„Čuvar u obavljanju poslova fizičke zaštite može upotrijebiti vatreno oružje samo kada je to nužno radi zaštite života lica koje čuva ili svoga života i ako se neposredni protupravni napad prema šticeenom licu ili prema njemu nije mogao odbiti upotrebom fizičke sile, odnosno ako se na drugi način nije mogao odbiti neposredni napad na imovinu koju štiti.

Pri upotrebi vatrenog oružja čuvar je dužan upozoriti lice protiv kojeg namjerava upotrijebiti vatreno oružje.

Upozorenje iz stava 2. ovog člana neće se upućivati ukoliko bi se time doveli u pitanje životi lica koja se štite ili život čuvara.

Zabranjeno je ispaljivanje hitaca upozorenja.

Kada čuvar upotrijebi fizičku silu ili vatreno oružje pri obavljanju poslova fizičke zaštite, dužan je odmah o tome obavijestiti policiju i odgovorno lice, a najkasnije u roku od 24 sata sačiniti pisani izvještaj i podnijeti ga odgovornom licu agencije.

Agencija dostavlja izvještaj o upotrebi fizičke sile ili vatrenog oružja nadležnom kantonalnom organu unutrašnjih poslova u roku od tri dana od dana prijema izvještaja iz stava 5. ovog člana.

Zabranjeno je nošenje vatrenog oružja iz člana 24. ovog zakona izvan objekta i prostora koji se štiti, kao i poslije završenog radnog vremena, osim u slučajevima prijevoza i prijenosa gotovog novca, vrijednosnih papira, dragocjenosti i fizičke zaštite lica (bliska zaštita), kao i u slučajevima interventnih aktivnosti (aktivirano zaštitno-dojavno sredstvo i dr.), o čemu se stara odgovorno lice agencije, odnosno unutrašnje službe zaštite.

Agencija je dužna osigurati odgovarajući spremnik za čuvanje vatrenog oružja u objektu koji se čuva poslije radnog vremena, što se bliže uređuje u propisu iz člana 24. stav 5. ovog zakona.“

Član 25.

Član 30. mijenja se i glasi:

“Poslovi tehničke zaštite iz stava 3. člana 4. ovog zakona obavljaju se upotrebom tehničkih sredstava za sprečavanje protupravnih radnji usmjerenih prema licima ili imovini koji se osiguravaju, odnosno štite, a odnose se na sljedeće:

- 1) protuprovalne, protuprepadne i protudiverzijske tehnike;
- 2) zaštitu ljudi i čovjekova okoliša;
- 3) zaštitu podataka i dokumentacije;
- 4) zaštitu nedopuštenog pristupa u štíćene prostore i objekte;
- 5) zaštitu od unošenja eksplozivnih, jonizirajućih i drugih opasnih materija;
- 6) zaštitu od iznošenja, odnosno otuđenja štíćenih predmeta i stvari;
- 7) zaštitu putem videonadzora;
- 8) zaštitu prilikom obavljanja poslova osiguranja pratnje, prijevoza i prijenosa novca, vrijednosnih papira i dragocjenosti;
- 9) zaštitu pohranjenih podataka prikupljenih u toku obavljanja poslova tehničke zaštite i
- 10) zaštitu od požara putem tehničkog sistema dojava (vatrodojava) u skladu sa propisima koji se odnose na sistem vatrodojave.

Tehnička zaštita iz stava 1. ovog člana organizira se i provodi na području štíćenog prostora, odnosno štíćenih zgrada i drugih objekata, kao i u pratnji i osiguranju tokom prijevoza štíćenih lica (bliska zaštita), prijevoza putnika u javnom saobraćaju, novca, vrijednosnih papira i dragocjenosti.

Agencija mora osigurati intervenciju u slučajevima aktiviranja alarmnog sistema ili po prijavi najdalje u roku do 15 minuta od aktiviranja, odnosno prijave. Intervencija može biti vlastita ili angažiranjem druge agencije koja se bavi poslovima fizičke zaštite, o čemu mora biti zaključen ugovor o pružanju tih usluga.

Intervencija iz stava 3. ovog člana podrazumijeva najmanje dva naoružana čuvara koji su zaposlenici agencije. Ukoliko se intervencija vrši vozilom, u tom slučaju vozilo agencije mora biti označeno znakom (logo) agencije.

Vlada Federacije će na prijedlog federalnog ministra unutrašnjih poslova donijeti propise kojima će urediti poslove tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme čiji uređaji moraju imati mogućnost detekcije, signalizacije i pohranjivanja podataka, uvezivanja alarmnih sistema na dojavni centar, videonadzora koji nije uvezan na dojavni centar i poslove intervencije u slučajevima aktiviranja alarmnog sistema.”

Član 26.

U članu 31. stav 1. na kraju teksta iza riječi “suda” dodaju se riječi: “i agencija ili vlastita unutrašnja služba zaštite pravnog lica ako ima lica koja ispunjavaju uvjete za poslove projektiranja”.

St. 2. i 3. brišu se.

Član 27.

U članu 32. stav 1. iza riječi „zaštite“ dodaju se riječi: „ili odgovornog lica“.

U stavu 3. na kraju teksta iza riječi „iskaznice“ dodaju se riječi: „i druga pitanja koja se odnose na nošenje iskaznice“.

Član 28.

U članu 33. stav 1. na kraju teksta iza riječi „agenciji“ dodaju se riječi: „ili prijaviti gubitak iskaznice u roku od tri dana od dana prestanka radnog odnosa, odnosno od dana gubitka iskaznice“.

U stavu 2. na kraju teksta iza riječi „uništenja“ dodaju se riječi: „u roku od tri dana od dana prijema vraćene iskaznice“.

Iza stava 2. dodaje se novi stav 3. koji glasi:

„Nadležni kantonalni organ unutrašnjih poslova koji je izdao službenu iskaznicu dužan je prije izdavanja nove službene iskaznice donijeti rješenje o poništenju izgubljene ili oštećene službene iskaznice.“

Član 29.

U članu 34. stav 1. mijenja se i glasi:

„Agencije su dužne za lica koja obavljaju poslove fizičke ili tehničke zaštite osigurati radnu uniformu, koja po boji, kroju i oznakama ne smije biti jednaka ili slična uniformi policije, uniformi Oružanih snaga Bosne i Hercegovine ili uniformi službenika drugih organa vlasti.“

U stavu 3. riječi „zaštitu fizičkih“ zamjenjuju se riječima „fizičku zaštitu“.

U stavu 4. iza riječi „zaštite“, stavlja se tačka, a preostali dio teksta briše se.

Član 30.

Naziv poglavlja VI mijenja se i glasi: „ORGANIZIRANJE UNUTRAŠNJE SLUŽBE ZAŠTITE“.

Član 31.

Član 37. mijenja se i glasi:

„Pravna lica koja se bave poslovima koji nisu obuhvaćeni čl.: 26., 26a. i 26b. ovog zakona mogu organizirati vlastitu unutrašnju službu zaštite za obavljanje poslova zaštite svoje imovine, objekata (nekretnina i prijevoznih sredstava) i lica koja se nalaze u tim objektima i prostora ili angažirati agenciju zaključenjem ugovora.

Poslovi fizičke i tehničke zaštite iz stava 1. ovog člana obavljaju se unutar prostora i objekata u kojima se obavlja djelatnost.

Organi uprave i upravne organizacije i druge institucije Federacije, kantona, grada i općine poslove fizičke i tehničke zaštite svojih zgrada i imovine (dokumentacije i sl.) mogu obavljati putem organiziranja vlastite unutrašnje službe

zaštite, s tim što ti organi i organizacije koji se nalaze u istoj zgradi organiziraju zajedničku unutrašnju službu zaštite, što se vrši zaključenjem pisanog ugovora ili angažiranjem agencije, osim u slučajevima ako je za pojedine organe uprave i upravne organizacije posebnim propisom drugačije određeno.

Ako se više pravnih lica nalazi u istom objektu ili lokalitetu, mogu zaključiti pisani ugovor o zajedničkoj unutrašnjoj službu zaštite ili angažirati agenciju za te poslove.

Odobrenje za rad unutrašnjih službi u federalnim organima iz stava 3. ovog člana izdaje se uz prethodnu saglasnost Federalnog ministarstva.

Vlada Federacije na prijedlog federalnog ministra unutrašnjih poslova će odrediti federalne organe uprave i federalne upravne organizacije koje su dužne organizirati unutrašnju službu zaštite ili angažirati agencije.“

Član 32.

Poglavlje „VII UNUTRAŠNJA SLUŽBA ZAŠTITE i član 38.“ brišu se.

Član 33.

U članu 39. stav 1. mijenja se i glasi:

„Nadležni organ pravnog lica, odnosno rukovodilac organa uprave i drugog organa donosi poseban akt kojim organizira vlastitu unutrašnju službu zaštite (u daljnjem tekstu: služba zaštite). Ova služba se osniva pod uvjetima u članu 11. ovog zakona.“

Član 34.

U članu 41. iza stava 2. dodaje se novi stav 3. koji glasi:

„Uz zahtjev iz stava 1. ovog člana prilaže se osnivački akt službe zaštite, odnosno organa uprave i upravne organizacije i odgovarajući dokazi za činjenice iz člana 11. ovog zakona.“

Član 35.

Član 42. briše se.

Član 36.

Član 43. mijenja se i glasi:

„Kada se služba zaštite organizira u pravnim licima koja su određena aktom Vlade Federacije iz člana 26a. ovog zakona, kantonalni organ unutrašnjih poslova je dužan primjerak rješenja iz člana 40. stav 2. ovog zakona dostaviti Federalnom ministarstvu u roku od osam dana od dana donošenja rješenja.“

Član 37.

Član 45. mijenja se i glasi:

„Odredbe čl.: 2. do 7., čl. 9., 10., 10a. i 11., člana 13. st. 4., 5. i 6., čl. 14. do 19. i čl. 24., 25., 30. i 31. ovog zakona na odgovarajući način se primjenjuju i na službe zaštite.“

Član 38.

U članu 46. iza stava 2. dodaje se novi stav 3. koji glasi:

“Poslove fizičke i tehničke zaštite iz nadležnosti službe zaštite obavljaju lica koja se nalaze u radnom odnosu u pravnom licu i koja imaju certifikat za fizičku, odnosno certifikat za tehničku zaštitu i certifikat za odgovorna lica iz člana 19. ovog zakona.”

Član 39.

Član 48. mijenja se i glasi:

“Federalno ministarstvo vodi sljedeće evidencije:

- 1) evidenciju o izdatim odobrenjima iz člana 12a. ovog zakona;
- 2) evidenciju o zabrani rada na poslovima fizičke i tehničke zaštite iz člana 16. stav 4. ovog zakon;
- 3) evidenciju o licima kojima je izdat ili oduzet certifikat za obavljanje poslova fizičke i tehničke zaštite, odnosno certifikat za odgovorna lica;
- 4) evidenciju o saglasnostima iz člana 24. stav 4. ovog zakona;
- 5) evidenciju o izdatim posebnim saglasnostima iz člana 26. stav 2., član 26b. stav 2. i član 38. stav 5. ovog zakona;
- 6) evidenciju o izdatim posebnim odobrenjima iz člana 26b. stav 4. ovog zakona;
- 7) evidenciju o izdatim saglasnostima za procjenu ugroženosti i elaborat zaštite iz člana 26c. stav 1. tačka 1) ovog zakona.

Kantonalni organi unutrašnjih poslova vode sljedeće evidencije:

- 1) evidenciju o agencijama i podružnicama kojima je izdato odobrenje za rad;
- 2) evidenciju o podružnicama kojima je izdato odobrenje iz člana 10. stav 2. i člana 10a. tačka 2);
- 3) evidenciju o pravnim licima kojima je izdata saglasnost za akt o organiziranju unutrašnje službe zaštite i odobrenje za rad;
- 4) evidenciju o licima kojima je izdata službena iskaznica i evidenciju o izdatim i uništenim službenim iskaznicama;
- 5) evidenciju o odobrenjima za nabavku vatrenog oružja za potrebe rada agencija i unutrašnjih službi zaštite;
- 6) evidenciju o sklopljenim i raskinutim ugovorima;
- 7) evidenciju o izdatim saglasnostima za procjenu ugroženosti i elaborat zaštite iz člana 26c. stav 1. tačka 2) ovog zakona.

Agencija i njihove podružnice, odnosno pravna lica koja imaju vlastitu službu zaštite vode sljedeće evidencije:

- 1) evidenciju o licima zaposlenim za obavljanje poslova fizičke i tehničke zaštite;
- 2) evidenciju o vatrenom oružju i municiji nabavljenom za potrebe lica koja obavljaju poslove fizičke i/ili tehničke zaštite;
- 3) evidenciju o objektima i prostorima za koje je izdata posebna saglasnost iz člana 26. stav 2., člana 26b. stav 2. i člana 38. stav 5. ovog zakona;

- 4) evidenciju o licima zaduženim za službenu uniformu;
- 5) evidenciju o objektima i prostorima koji se štite tehničkom zaštitom;
- 6) evidenciju o objektima koji se štite fizičkom zaštitom;
- 7) evidenciju zaključenih i raskinutih ugovora sa korisnicima;
- 8) evidenciju održanoj provjeri gađanja iz vatrenog oružja;
- 9) evidenciju o primjeni sredstava prinude/fizičke snage vatrenog oružja;
- 10) evidenciju redovnih liječničkih pregleda čuvara.”

Član 40.

U članu 55. stav 1. tačka 2) riječ “člana” zamjenjuje se riječima: ”čl. 59b. i”.

Iza tačke 3) dodaje se nova tačka 4) koja glasi:

“4) ako se utvrdi da agencija nije počela raditi u toku važenja odobrenja za rad iz člana 15. stav 2. ovog zakona, ukoliko nije podnijela zahtjev za produženje odobrenja;”.

U dosadašnjoj tački 4) koja postaje tačka 5) riječi: “iz čl. 42. i 45” zamjenjuju se riječima: ”iz člana 41. stav 3. i člana 45.”.

Iza stava 1. dodaje se novi stav 2. koji glasi:

“Odredbe stava 1. ovog člana primjenjuju se i na podružnice agencije i službe zaštite.”

Dosadašnji stav 2. postaje stav 3.

Član 41.

Član 57. stav 1. mijenja se i glasi:

„Federalno ministarstvo rješenjem će oduzeti posebnu saglasnost agenciji, odnosno pravnom licu koje je organiziralo službu zaštite ukoliko prestane obavljati poslove utvrđene u članu: 26. stav 2., članu 26b. stav 2. i članu 38. stav 5. ovog zakona.“

Član 42.

Član 59. mijenja se i glasi:

“Inspekcijski nadzor, prema ovom zakonu, obavlja Federalno ministarstvo i kantonalna ministarstva unutrašnjih poslova.

Federalno ministarstvo vrši inspekcijski nadzor u sljedećim subjektima:

- 1) u pravnim licima iz člana 26. stav 2., kojima je Federalno ministarstvo dalo posebnu saglasnost, kao i pravnim licima koja su utvrđena u aktu Vlade Federacije prema članu 26a. ovog zakona i agencijama i podružnicama koje imaju sklopljen ugovor za obavljanje poslova zaštite za ta pravna lica;
- 2) u pravnim licima iz člana 26b. stav 2. ovog zakona i agencijama i podružnicama koje imaju sklopljen ugovor za obavljanje poslova zaštite za ta pravna lica;
- 3) u federalnim organima uprave i federalnim upravnim organizacijama i drugim federalnim institucijama i agencijama i podružnicama koje imaju sklopljen ugovor za obavljanje poslova zaštite za te organe,

- organizacije i institucije iz člana 38. stav 3. ovog zakona kojima je Federalno ministarstvo dalo saglasnost;
- 4) u kantonalnim organima unutrašnjih poslova prvostepeni upravni postupak po ovom zakonu.

Ako kantonalni organ unutrašnjih poslova nije organizirao vršenje inspekcijskog nadzora po ovom zakonu, tu inspekciju vrši Federalno ministarstvo do dana kada kantonalni organ unutrašnjih poslova uspostavi tu inspekciju.

Federalno ministarstvo svake godine organizira stručnu obuku i osposobljavanje federalnih inspektora i inspektora iz kantonalnih organa unutrašnjih poslova u skladu sa programom obuke koji donosi federalni ministar unutrašnjih poslova.”

Član 43.

Iza člana 59. dodaju se novi čl.: 59a., 59b., 59c., 59d. i 59e. koji glase:

“Član 59a.

Kantonalni organ unutrašnjih poslova vrši inspekcijski nadzor u sljedećim subjektima:

- 1) u pravnim licima iz člana 26. stav 3. ovog zakona, kao i pravnim licima koja su utvrđena u aktu vlade kantona i u aktu općinskog načelnika, odnosno gradonačelnika, doneseni prema članu 26a. i pravnim licima iz člana 26b. stav 1. ovog zakona, osim pravnih lica iz stava 2. tog člana i agencijama i podružnicama koje imaju sklopljen ugovor za obavljanje poslova zaštite za ta pravna lica,
- 2) u kantonalnim, općinskim i gradskim organima uprave i upravnim organizacijama i drugim institucijama kantona, grada i općine i agencijama i podružnicama koje imaju sklopljen ugovor za obavljanje poslova zaštite za te organe, organizacije i institucije,
- 3) u pravnim licima iz člana 38. stav 1. ovog zakona i agencijama i podružnicama koje imaju sklopljen ugovor za obavljanje poslova zaštite za ta pravna lica.

Član 59b.

Pravna lica, agencije i njihove podružnice te organi uprave i drugi organi iz čl. 59. i 59a. ovog zakona dužni su postupati po rješenju federalnog i kantonalnog inspektora u roku određenom u rješenju koji ne može biti duži od 30, odnosno od 60 dana od dana uručenja rješenja agenciji ili pravnom licu, odnosno organu uprave ili drugom organu.

Protiv rješenja iz stava 1. ovog člana može se izjaviti žalba Federalnom ministarstvu u roku od osam dana od dana prijema rješenja.

Žalba ne odlaže izvršenje rješenja.

Federalno ministarstvo je dužno riješiti žalbu iz stava 2. ovog člana u roku od 15 dana od dana prijema žalbe i spisa predmeta.

Rješenje doneseno po žalbi je konačno i protiv njega se može pokrenuti upravni spor kod nadležnog kantonalnog suda u roku od 30 dana od dana prijema rješenja.

Član 59c.

Federalni i kantonalni inspektori koji vrše inspekcijski nadzor iz čl. 59. i 59a. ovog zakona u vršenju inspekcijskog nadzora postupaju po odredbama ovog zakona i podzakonskim propisima donesenim na osnovu ovog zakona.

Pri vršenju inspekcijskog nadzora federalni i kantonalni inspektori postupaju po odredbama čl. 117. do 136. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), kao i odredbama Zakona o upravnom postupku.

Član 59d.

Za federalnog, odnosno kantonalnog inspektora može se postaviti lice koje ima najmanje visoku stručnu spremu (VII stepen), odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa bolonjskog sistema studiranja i to završen: pravni, elektrotehnički, mašinski, informatički, kriminalistički, ekonomski i fakultet političkih nauka – sigurnost i politologija, najmanje tri godine radnog staža, položen stručni ispit za rad u državnoj upravi i ispit predviđen za inspektore za zaštitu ljudi i imovine predviđen ovim zakonom.

Ispit za inspektore za zaštitu ljudi i imovine polaže se po programu iz člana 59e. ovog zakona pred komisijom koju imenuje federalni ministar unutrašnjih poslova.

Član 59e.

Inspekcijski nadzor (federalni i kantonalni) obuhvata sva pitanja koja se odnose na osnivanje i rad agencija i vlastitih unutrašnjih službi zaštite, upravno rješavanje i druga pitanja uređena ovim zakonom i sve podzakonske propise donesene na osnovu ovog zakona, što se bliže uređuje propisom iz stava 2. ovog člana.

Federalni ministar unutrašnjih poslova će propisati sadržaj i način inspekcijskog nadzora iz čl. 59. i 59a. ovog zakona i donijeti Program polaganja ispita za inspektore iz člana 59d. ovog zakona i propisati način polaganja tog ispita."

Član 44.

U članu 60. stav 1. u uvodnoj rečenici iza riječi "nadzora" dodaju se riječi: "federalni i kantonalni", a iza riječi "roka" dodaju se riječi: "do 30, odnosno do 60 dana".

Tačka 1) briše se.

U tački 4) riječi: "posebno odobrenje za rad" zamjenjuju se riječima: "posebnu saglasnost ili odobrenje Federalnog ministarstva;"

Tačka 5) briše se;

Tač. 1. do 6. postaju tač. 1. do 4.

U stavu 4. broj „10“ zamjenjuje se brojem „15“.

Član 45.

Član 61. mijenja se i glasi:

Novčanom kaznom u iznosu od 7.000,00 KM do 15.000,00 KM kaznit će se za prekršaj pravno lice:

- 1) ako ne organizira službu zaštite iz člana 26a., i 26b. ovog zakona ili ne angažira agenciju,
- 2) ako obavljanje poslova zaštite iz člana 26. stav 2. i član 26b. stav 2. ovog zakona povjeri agenciji koja nema saglasnost Federalnog ministarstva,
- 3) ako bez odobrenja za rad obavlja poslove iz nadležnosti agencije ili službe zaštite.

Novčanom kaznom u iznosu od 1.000,00 KM do 3.000,00 KM kaznit će se i odgovorno lice u pravnom licu.

Član 46.

Iza člana 61. dodaje se novi član 61a. koji glasi:

„Član 61a.

Novčanom kaznom u iznosu od 5.000,00 KM do 15.000,00 KM kaznit će se za prekršaj agencija ili pravno lice koje ima organiziranu unutrašnju službu zaštite:

- 1) ako obavlja poslove iz člana 2. st. 2. i 3. ovog zakona;
- 2) ako obavlja poslove iz člana 6. ovog zakona;
- 3) ako u obavljanju poslova zaštite iz svoje nadležnosti primjenjuje operativne metode i sredstva ili na način suprotan članu 7. ovog zakona;
- 4) ako ne posjeduje odgovarajuća tehnička sredstva i opremu za obavljanje poslova fizičke i tehničke zaštite u podružnici (član 10. stav 3.);
- 5) ako obavlja poslove zaštite bez odobrenja za rad ili prije dobijanja rješenja o upisu u sudski registar (član 14. i član 15. stav 1.);
- 6) ako za obavljanje poslova zaštite angažira lica koja ne ispunjavaju uvjete iz člana 16. stav 1. ovog zakona, odnosno koja nemaju certifikat (član 19.);
- 7) ako sa licem za obavljanje poslova zaštite ne zaključi pisani ugovor o radu ili ne osigura predviđeno radno vrijeme (član 22.);
- 8) ako u obavljanju poslova zaštite koristi vatreno oružje koje nije nabavljeno na zakonom propisani način ili posjeduje više vrsta vatrenog oružja od dozvoljenog ili drži nedozvoljeno oružje (član 24.);
- 9) ako obavlja poslove zaštite bez posebne saglasnosti Federalnog ministarstva (član 26. stav 2., član 26b. stav 2. i član 38. stav 5.);
- 10) ako ne organizira fizičku i tehničku zaštitu prema članu 26. stav 3. ovog zakona;
- 11) ako organizira unutrašnju službu zaštite ili angažira agenciju bez saglasnosti Federalnog ministarstva (član 26b. stav 2) ili ne obavlja poslove prijevoza i prijenosa novca, vrijednosnih papira i dragocjenosti blindiranim vozilom i sigurnosnom kasom, odnosno spremnikom, za šta mora imati odobrenje Federalnog ministarstva (član 26b. stav 4.);
- 12) ako ne izradi procjenu ugroženosti i elaborat zaštite ili ne pribavi saglasnost na te akte od nadležnog organa (član 26c.);
- 13) ako poslove projektiranja tehničke zaštite obavlja lice koje nije registrirano za obavljanje te djelatnosti (član 31.);
- 14) ako ne zaključi ugovor o osiguranju od odgovornosti za štetu (član 35.);
- 15) ako ne postupi po rješenju inspektora (čl. 59b. i 60.).

Novčanom kaznom u iznosu od 1.500,00 KM do 3.000,00 KM kaznit će se za prekršaj iz stava 1. ovog člana i odgovorno lice agencije, odnosno pravnog lica, s tim da se za prekršaj iz stava 1. tačka 10) ovog člana rukovodilac pravnog lica kažnjava novčanom kaznom u iznosu od 3.000,00 KM.

Za ponovljene prekršaje iz stava 1. tač.: 1), 2), 3), 6) i 9) ovog člana nadležni sud može uz novčanu kaznu pravnom licu izreći i zaštitnu mjeru zabrane obavljanja fizičke ili tehničke zaštite do šest mjeseci.“

Član 47.

Član 62. mijenja se i glasi:

“Novčanom kaznom u iznosu od 3.000,00 KM do 10.000,00 KM kaznit će se za prekršaj agencija ili pravno lice koje ima organiziranu unutrašnju službu zaštite:

- 1) ako obavlja poslove zaštite na području drugog kantona van kantona u kojem ima svoje sjedište, a nije osnovalo podružnicu (član 10. stav 1.);
- 2) ako za podružnicu ne pribavi odobrenje za rad iz člana 10. stav 2. ovog zakona;
- 3) ako u roku ne obavijesti kantonalni organ unutrašnjih poslova o obavljanju poslova iz člana 10. stav 6. i člana 10a. tačka 1) ovog zakona ili obavlja poslove a nije pribavilo odobrenje iz člana 10a. tačka 2) ovog zakona;
- 4) ako ne prijavi promjene iz člana 13. st. 4., 5. i 6. ovog zakona;
- 5) ako postupi po odredbi člana 15. stav 3. ovog zakona;
- 6) ako poslove zaštite obavlja na osnovu ugovora o djelu (član 21.);
- 7) ako ne osigura periodičnu provjeru u rukovanju oružjem ili periodičnu provjeru zdravstvene i psihofizičke sposobnosti zaposlenika ili ne organizira stručnu obuku za lica koja obavljaju poslove fizičke ili tehničke zaštite (član 25. stav 1.);
- 8) ako ne dostavi izvještaj kantonalnom organu unutrašnjih poslova u roku iz člana 29. stav 6. ovog zakona;
- 9) ako se ne stara o obavezi iz člana 29. stav 7. ili ne osigura spremnik za čuvanje vatrenog oružja iz stava 8. tog člana;
- 10) ako tehničku zaštitu iz člana 30. stav 1. ne obavlja u skladu sa propisom iz stava 5. tog člana ili u skladu sa propisom iz stava 1. tačka 10) tog člana (član 30. stav 1.);
- 11) ako ne osigura odgovarajuću intervenciju u slučajevima aktiviranja alarmnog sistema najdalje u roku do 15 minuta od aktiviranja ili dojave ili intervenciju obavlja vozilom koje nije označeno znakom agencije (član 30. st. 3. i 4.);
- 12) ako ne osigura radnu uniformu za lica koja obavljaju poslove fizičke ili tehničke zaštite (član 34. stav 1.);
- 13) ako za obavljanje fizičke i tehničke zaštite angažira lica koja se ne nalaze u radnom odnosu (član 46. stav 3.).

Novčanom kaznom u iznosu od 500,00 KM do 2.000,00 KM kaznit će se za prekršaj iz stava 1. ovog člana i odgovorno lice agencije, odnosno unutrašnje službe zaštite.“

Član 48.

Iza člana 62. dodaje se novi član 62a. koji glasi:

“Član 62a.

Novčanom kaznom u iznosu od 1.000,00 KM do 5.000,00 KM kaznit će se za prekršaj agencija ili pravno lice koje ima organiziranu unutrašnju službu zaštite:

- 1) ako ne prijavi promjene iz člana 16. stav 3. ovog zakona;
- 2) ako poslove zaštite iz svoje nadležnosti obavlja bez zaključenog pisanog ugovora (član 20. stav 1.);
- 3) ako u roku ne dostavi kantonalnom organu unutrašnjih poslova zaključeni ili raskinuti ugovor ili primjerak tih ugovora ne dostavi Federalnom ministarstvu (član 20. stav 3.);
- 4) ako ne osigura potrebne službene iskaznice (član 32. stav 1.);
- 5) ako u roku službenu iskaznicu ne dostavi kantonalnom organu unutrašnjih poslova radi uništenja (član 33. stav 2.);
- 6) ako ne vodi evidencije iz člana 48. stav 3. ovog zakona.

Novčanom kaznom u iznosu od 300,00 KM, do 1.000,00 KM kaznit će se za prekršaj iz stava 1. ovog člana i odgovorno lice agencije, odnosno unutrašnje službe zaštite.“

Član 49.

Član 63. mijenja se i glasi:

„Novčanom kaznom u iznosu od 200,00 KM do 1.000,00 KM kaznit će se za prekršaj čuvar agencije, odnosno unutrašnje službe zaštite:

- 1) ako radnje iz člana 27. stav 1. ovog zakona ne obavlja na način koji je za te radnje utvrđen u propisu iz stava 6. tog člana (član 27. stav 1.);
- 2) ako u roku ne podnese pisani izvještaj iz člana 29. stav 5. ovog zakona;
- 3) ako u toku obavljanja poslova zaštite nosi oružje izvan objekta koji štiti ili poslije završenog radnog vremena (član 29. stav 6.);
- 4) ako u toku obavljanja poslova zaštite ne nosi službenu iskaznicu (član 32. stav 1.);
- 5) ako u roku ne vrati službenu iskaznicu ili ne prijavi gubitak iskaznice (član 33. stav 1.);
- 6) ako u toku obavljanja poslova zaštite ne nosi službenu iskaznicu istaknutu na vidnom mjestu uniforme (član 34. stav 2.);
- 7) ako u toku obavljanja poslova zaštite ne nosi radnu uniformu ili radnu uniformu nosi poslije radnog vremena (član 34. stav 4.).“

Član 50.

Iza člana 63. dodaje se novi član 63a. koji glasi:

„Član 63a.

Pod odgovornim licem iz člana: 61. stav 2., člana 61a. stav 2., člana 62. stav 2. i člana 62a. stav 2. ovog zakona podrazumijeva se rukovodilac agencije, a u pravnom licu rukovodilac pravnog lica u kojem je organizirana unutrašnja služba zaštite, s tim da rukovodilac te službe odgovara samo ako se radi o poslovima za koje je on nadležan prema aktu o organiziranju službe iz člana 39. stava 2. ovog zakona.

Pokretanje prekršajnog postupka i izdavanje prekršajnog naloga vrši se po Zakonu o prekršajima u Federaciji Bosne i Hercegovine („Službene novine Federacije BiH“, broj 31/06).“

Član 51.

Iza člana 64. dodaju se novi čl.: 64a., 64b. i 64c. koji glase:

„Član 64a.

Federalni i kantonalni inspektori iz člana 59e. ovog zakona koji se na dan stupanja na snagu ovog zakona zateknu na poslovima inspektora nastavljaju da vrše poslove inspektora u skladu s ovim zakonom, s tim što su dužni položiti ispit za inspektora iz člana 59d. stav 2. ovog zakona u roku od godinu dana od dana stupanja na snagu propisa iz člana 59e. ovog zakona.

Član 64b.

Lica iz člana 18. stav 1. ovog zakona koja se na dan stupanja na snagu ovog zakona zateknu na poslovima tehničke zaštite, a imaju cetifikat za obavljanje poslova tehničke zaštite izdat prije stupanja na snagu ovog zakona, ostaju na tim poslovima i to važi samo za ta lica.

Član 64c.

Agencije i pravna lica koja imaju unutrašnju službu zaštite koja obavlja samo poslove fizičke zaštite ili poslove i fizičke i tehničke zaštite na području drugog kantona, odnosno van svog sjedišta, a nisu osnovali podružnicu, dužni su te podružnice osnovati u skladu sa članom 10. ovog zakona u roku od šest mjeseci od dana donošenja propisa iz člana 11. stav 2. ovog zakona.“

Član 52.

Iza člana 65. dodaje se novi član 65a. koji glasi:

„Član 65a.

Ovlašćuje se Zakonodavno-pravna komisija Predstavničkog doma i Zakonodavno-pravna komisija Doma naroda Parlamenta Federacije Bosne i Hercegovine da utvrde prečišćeni tekst ovog zakona u roku od 30 dana od dana stupanja na snagu ovog zakona.“

Član 53.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

O B R A Z L O Ž E N J E

I - USTAVNI OSNOV

Ustavni osnov za donošenje ovog zakona sadržan je u odredbi člana IV A. 20. (1) d) Ustava Federacije Bosne i Hercegovine. Prema toj odredbi Parlament Federacije BiH je nadležan za donošenje zakona o vršenju dužnosti federalne vlasti. U ovom slučaju ta dužnost za Federaciju BiH je utvrđena u poglavlju II član 2 (1) a) i k) Ustava Federacije BiH. Tom ustavnom odredbom je utvrđena obaveza za Federaciju BiH da je dužna osigurati najviši nivo međunarodno priznatih prava i sloboda građana Federacije BiH. Ovim zakonom se regulira zaštita života ljudi i zaštita imovine od raznih oblika ugrožavanja (uništenja, oštećenja, krađe i drugi oblici opasnog ili štetnog djelovanja na zdravlje i život ljudi, odnosno na imovinu), pa iz tih razloga Federacija ima pravo da ovu materiju regulira federalnim zakonom. Na taj način Federacija osigurava jedinstvene pravne pretpostavke za zaštitu života i zdravlja ljudi i imovine od gore navedenog opasnog djelovanja i ugrožavanja na cijeloj teritoriji Federaciji BiH, jer se Zakonom utvrđuju jedinstveni uvjeti za jedinstveno i efikasno ostvarivanje te zaštite.

II - RAZLOZI ZA IZMJENE I DOPUNE ZAKONA

Primjenom Zakona o agencijama i unutrašnjim službama za zaštitu ljudi i imovine („Službene novine Federacije BiH“, broj 78/08) uočeni su određeni nedostaci pojedinih zakonskih rješenja koji otežavaju i stvaraju probleme u njegovoj provedbi.

Taj problem naročito se odnosi na obavljanje poslova inspekcijskog nadzora, pri čemu u pojedinim kantonima inspekcijski nadzor nad radom agencija i pravnih lica koja imaju organiziranu unutrašnju službu zaštite obavljaju policijski službenici ili komisije koje imenuje kantonalni ministar.

Također, određena pravna rješenja koja su utvrđena u Zakonu o agencijama i unutrašnjim poslovima za zaštitu ljudi i imovine, npr. ovlaštenja u primjeni mjera zaštite u toku obavljanja poslova zaštite ljudi i imovine su prevaziđena te ih je potrebno uskladiti sa važećom dinamikom razvoja zaštitarske djelatnosti i tržišnim prilikama. Dalje je bilo potrebno utvrditi pravni osnov kantonima, odnosno općinama i gradovima da utvrdi pravne subjekte čiji su ti organi osnivači da su obavezni osnovati zaštitu svojih ljudi i imovine.

III - OBRAZLOŽENJE PREDLOŽENIH PRAVNIH RJEŠENJA

Članom 1. izvršena je izmjena odredbe člana 2. stav 3. Zakona s obzirom na to da se članom 2. uređuju pitanja, odnosno poslovi kojima se agencije ne mogu baviti. Tokom vršenja kontrole nad radom agencija utvrđeno je da agencije pružaju i detektivske usluge, a koje ne spadaju u djelokrug poslova zaštite ljudi i imovine. Radi zakonitog rada agencija ocijenjeno je da je potrebno odredbu člana 2. dopuniti na način kako je predloženo, jer ne postoje *lex specialis* zakoni koji reguliraju navedenu materiju. Također je član 2. dopunjen novim stavom 4., prema kojem se na prijedlog institucija BiH omogućava organiziranje zaštite ljudi i imovine u skladu s ovim zakonom do donošenja zakona Bosne i Hercegovine za ovu oblast. Ovim odredbom omogućuje se institucijama BiH da u toku vršenja zaštite svoje imovine i ljudi mogu primjenjivati ovaj zakon.

Članom 2. je dodat novi član 3a. u kojem je precizirano da se u toku rješavanja u upravnim stvarima utvrđenim ovim zakonom i primjenjuju odredbe Zakona o upravnom postupku Federacije BiH koji je u ovom slučaju *lex generalis*.

Članom 3. je izvršena dopuna člana 4. Ovim dopunama je precizirana djelatnost agencije koja se može vršiti samo na način utvrđen ovim zakonom i podzakonskim propisima donesenim na osnovu ovog zakona. Također je preciziran pojam »bliske zaštite« kao isključivo fizičke zaštite lica u pokretu. U stavu 3. su brisane riječi: »osim sistema vatrodojave koja je regulirana Zakonom o zaštiti od požara i Zakonom o prostornom planiranju i korištenju zamljišta na nivou Federacije Bosne i Hercegovine«, jer u sistem tehničke zaštite na spadaju tehnička sredstva i oprema koja se koristi za vatrodojavu koja je regulirana Zakonom o zaštiti od požara i vatrogastvu (»Službene novine Federacije BiH«, broj 64/09).

Članom 4. je dodat novi član 4a. kojim su određeni poslovi koji se odnose na zaštitu ljudi i imovine.

Članom 5. je mijenjan važeći član 5. koji je bio nedorečen, neprecizan i nejasan te ga je potrebno bilo uskladiti s odredbama ovog zakona.

Članom 6. brišu se odredbe člana 9. st. 3. i 4. Zakona, jer su odredbe st. 3. i 4. obuhvaćene u članu 7. ovog zakona kojim se mijenja član 10. Odredbe člana 9. odnose na agencije, a odredbe člana 10. na podružnice, te je potrebno usaglasiti navedene odredbe. Također je stav 2. dopunjen na način da je agencijama omogućeno da se u sudski registar mogu upisati i poslovi servisiranja i održavanja sistema tehničke zaštite, što do sada nije bilo moguće i agencijama je stvaralo probleme u radu (prijava na tender i dr.).

Članom 7. mijenja se član 10. Zakona, u kojem su definirana pitanja koja se odnose na podružnice agencija. Ovim članom je utvrđena dužnost agenciji da osnuje podružnicu za obavljanje poslova fizičke zaštite ili poslove fizičke i tehničke zaštite (stav 1.). Obaveza agencije za formiranje podružnice vezuje se na činjenicu da se poslovi zaštite obavljaju u kantonu u kojem nije upisano mjesto sjedišta agencije. Zbog specifičnosti poslova koje obavlja agencija i primjene posebnih ovlaštenja u toku obavljanja poslova fizičke zaštite (upotreba fizičke sile i vatrenog oružja dr.), potrebno je osnivanje podružnice na području dugog kantona u odnosu na kanton u kojem agencija ima sjedište, bez obzira na broj ljudi koji obavlja van kantona. Ova obaveza je utvrđena radi omogućavanja kantonalnom organu unutrašnjih poslova kontrole rada agencija na njihovom području. U odnosu na predloženo rješenje u Nacrtu zakona o kojem je raspravljao Parlament Federacije BiH u kojem je bilo predviđeno obavezno formiranje podružnica ako agencija na drugom kantonu ima više od 20 certificiranih lica, nije se imala u vidu specifičnost i vrsta poslova koje obavlja agencija, kao i uticaj koji agencije mogu imati u vezi s pitanjem sigurnosti koju treba da osiguraju kantonalni organi unutrašnjih poslova. U Nacrtu zakona podružnica je razmatrana sa stajališta da se sa manjim brojem od 20 certificiranih lica na prostoru jednog kantona poslovi zaštite na tom kantonu obavljaju privremeno i da osnivanje podružnice u tim slučajevima nema svrhu i ekonomsku računicu.

U stavu 6. utvrđen je izuzetak od obaveze osnivanja podružnice na području drugog kantona i vezuje se za poslove fizičke zaštite lica (bliske zaštite), pratnje prijevoza i prijenosa novca, vrijednosnih papira i dragocjenosti, osiguranje radova na miniranju terena i drugih poslova koji ne traju duže od pet dana u mjesecu, ali je utvrđena obaveza agencije da o obavljanju tih poslova pismeno obavijesti kantonalni organ unutrašnjih poslova na čijem se području obavljaju ti poslovi najkasnije tri dana prije početka obavljanja tih poslova i tom organu dostavi ovjerenu kopiju ugovora o

obavljanju tih poslova. Za neizvršenje ove obaveze utvrđen je prekršaj u članu 62. tačka 2).

Također, u ovom članu su precizirana pitanja koja se odnose na sam rad podružnice, odnosno pribavljanja odobrenja, postojanje odgovornog lica i način upisa podružnice u sudski registar.

Članom 8. utvrđen je novi član 10a. koji se odnosi na pitanje formiranja podružnice kada agencija obavlja samo poslove tehničke zaštite. Različiti uvjeti u pogledu osnivanja podružnice za tehničku zaštitu u odnosu na fizičku zaštitu (član 10.) sadržani su u činjenici da se tehnička zaštita obavlja putem tehničkih sredstava i opreme i da u obavljanju tih poslova ne postoji potreba za primjenu posebnih ovlaštenja (fizičke sile, vatrenog oružja i dr.). Ovim članom je definirano da agencija koja obavlja poslove zaštite ljudi i imovine u pravnom licu za koje je potrebna saglasnost Federalnog ministarstva nije potrebno odobrenje za obavljanje poslova tehničke zaštite od kantonalnog organa unutrašnjih poslova.

Članom 9. mijenjan je član 12. u kojem su utvrđeni uvjeti kada je osnivač agencije fizičko lice.

Članom 10. dodat je novi član 12a. u kojem je omogućeno stranim pravnim i fizičkim licima da osnuju agenciju. S obzirom na to da su se na tržištu Federacije BiH već pojavile agencije koje su registrirane za pružanje usluga zaštite ljudi i imovine u državama Evropske unije i da su kupile agencije koje su registrirane u Federaciji BiH, potrebno je i ovu pravnu stvar riješiti ovim zakonom.

Članom 11. dopunjen je član 13. novim st.: 4., 5. i 6. Ovim dopunama omogućeno je kantonalnom organu unutrašnjih poslova da u slučaju promjena kod naziva agencije, podružnice ili osnivača ili odgovornog lica i sl. donese rješenje kojim samo vrši te izmjene. Važeći zakon nije predvidio mogućnost vršenja izmjena u rješenju kojim je agenciji odobren rad, kada agencija promijeni naziv ili odgovorno lice i sl., mada se radi o istom osnivaču i o istoj agenciji sa promijenjenim nazivom. Također, ovo pitanje nije riješeno ni Zakonom o upravnom postupku. U stavu 3. predviđena je mogućnost da agencija koja obavlja poslove zaštite sa minimalnim brojem lica (pet, odnosno deset), pa se iz bilo kojeg razloga taj broj smanji ispod minimuma, podnese zahtjev za produženje važenja odobrenja do popune broja lica koja nedostaju. Prema važećem zakonu, u tom slučaju agencija bi trebala prestati sa radom, odnosno kantonalni organ unutrašnjih poslova bi trebao poništiti rješenje kojim je odobrio rad agencije.

Članom 12. izvršena je dopuna člana 15. novim stavom 3. kojim je osnivaču agencije utvrđena obaveza i pravo da, ako agencija nije počela sa radom u roku od šest mjeseci od dana dobijanja rješenja o upisu u sudski registar, o tome obavijesti kantonalni organ unutrašnjih poslova koji je izdao odobrenje za rad ili može prije isteka tog roka podnijeti zahtjev kantonalnom organu unutrašnjih poslova da se taj rok produži najviše do 60 dana. Ova obaveza i pravo mogu se koristiti samo ako se utvrdi da agencija nije mogla početi sa radom iz objektivnih razloga - postojanje teške bolesti osnivača agencije i sl.

Članom 13. mijenja se član 16. u kojem su utvrđeni uvjeti koje mora da ispunjava lice koje se bavi poslovima zaštite. To su opći uvjeti koje mora da ispunjava svako lice koje se bavi poslovima zaštite. U stavu 3. ovog člana utvrđena je obaveza agencija o obavještanju kantonalnog organa unutrašnjih poslova o zaposlenicima koji su pravosnažno osuđeni za prekršaj protiv javnog reda i mira s obilježjem nasilničkog ponašanja ili je optužnica za krivično djelo postala pravosnažna.

Članom 14. je izmijenjen član 17. tako što su brisane riječi: “Fakultet kriminalističkih nauka”, s obzirom na to da se obuka koja se provodi prema članu 17. Zakona za sticanje certifikata za obavljanje poslova fizičke ili tehničke zaštite ljudi i imovine ne odnosi samo na stručno obrazovanje i usavršavanje iz djelokruga navedenog fakulteta, ta obuka obuhvata i djelokругe stručnog usavršavanja i drugih fakulteta (tehnička zaštita - elektrotehnički fakultet, mašinski fakultet, saobraćajni fakultet itd., fizička zaštita - fakultet za tjelesni odgoj, pravni itd.) te je potrebno navedeni program donijeti u saradnji i sa drugim fakultetima, a ne samo sa Fakultetom kriminalističkih nauka.

Članom 15. je izmijenjen član 18. stav 1. u kojem su propisani uvjeti za pohađanje obuke za sticanje certifikata. Ovim izmjenama taksativno je nabrojana školska sprema neophodna za sticanje certifikata za tehničku zaštitu.

Članom 16. je izmijenjen i dopunjen član 20. stav 3. tako što je izričito propisano da agencija dostavi obavijest o sklopljenim i raskinutim ugovorima kantonalnim ministarstvima unutrašnjih poslova, a što ranije nije bio slučaj, jer je agencija obavještavala samo organ koji je izdao odobrenje. Ovim izmjenama je utvrđena obaveza da se o svim sklopljenim i raskinutim ugovorima, bez obzira na to da li se radi o ugovorima o obavljanju poslova iz člana 26. stav 2. Zakona i pravna lica određena aktom Vlade Federacije iz člana 26a. ovog zakona, za koje treba posebna saglasnost Federalnog ministarstva unutrašnjih poslova, dostavlja obavijest nadležnom kantonalnom ministarstvu unutrašnjih poslova, a za sklopljene, odnosno raskinute ugovore iz člana 26. stav 2. zakona i pravna lica određena aktom Vlade Federacije iz člana 26a. ovog zakona u istom roku, pored kantonalnog ministarstva unutrašnjih poslova, dostavlja i Federalnom ministarstvu.

Članom 17. je dopunjen član 22. na način da su regulirana određena pitanja iz radnog odnosa koja su specifična i značajna za obavljanje poslova zaštite ljudi i imovine i u skladu je sa Direktivom Evropske unije.

Članom 18. je dopunjen član 24. na način da se u stavu 1. u trećem redu iza riječi “svog” dodaju riječi: “certificiranog osoblja za poslove fizičke zaštite, računajući i odgovorno lice”, čime je precizirano da se posjedovanje vatrenog oružja kratke cijevi odnosi isključivo na certificirana lica za fizičku zaštitu i odgovorno lice agencije, odnosno posjedovanje navedenog vatrenog oružja ne odnosi se i na osoblje agencije koje nema certifikat ili koje ima certifikat za tehničku zaštitu. Također je u ovim dopunama člana 24. predviđeno donošenje podzakonskog propisa u kojem će se preciznije odrediti vrsta oružja i druga pitanja koja se odnose na oružje duge ili kratke cijevi koje se koristi u toku obavljanja poslova zaštite ljudi i imovine. Utvrđivanje pravnog osnova za donošenje podzakonskog propisa zahtijevalo je brisanje st. 4. i 5.

Članom 19. izvršeno je usklađivanje člana 25. sa predloženim izmjenama u članu 24. ovog zakona prema kojem lica koja obavljaju poslove tehničke zaštite ne mogu posjedovati vatreno oružje, a samim tim agencije nisu obavezne da za ta lica organiziraju periodičnu provjeru rukovanja oružjem, što je u važećem zakonu bilo predviđeno. U stavu 1. je izvršena dopuna na način da je agenciji utvrđena dužnost organiziranja stručne obuke za lica koja obavljaju poslove fizičke i tehničke zaštite, kao i da na određenim radnim mjestima tehničke zaštite mogu angažirati invalidna lica koja mogu obavljati te poslove, što je u skladu sa zakonskim propisima koji reguliraju prava invalidnih lica.

Čl.: 20., 21. 22. utvrđeno je posebno poglavlje (član 19.) a regulira koja pravna lica su dužna organizirati zaštitu ljudi i imovine (čl.: 26., 26a. i 26b.) U ovom poglavlju su obuhvaćene odredbe važećeg zakona čl. 26., 31. stav 3. i člana 37.

Članom 23. precizirane su odredbe člana 27. Zakona na način da su jasno nabrojana ovlaštenja koja u toku obavljanja poslova zaštite može preduzimati čuvar, a čije će konkretne radnje biti detaljnije opisane podzakonskim propisom iz stava 6. ovog člana.

Članom 24. otklonjene su nejasnoće koje su se pojavile u toku primjene odredbe člana 29., a odnosile se na slučajeve kada se upozorenje neće upućivati kod upotrebe vatrenog oružja, rok dostavljanja izvještaja, zabrana nošenja vatrenog oružja i njegovo čuvanje.

Članom 25. dopunjen je član 30., u kojem su precizirana pitanja koja se odnose na obavljanje poslova tehničke zaštite.

Članom 26. dopunjen je član 31. na način da je jasno određeno da i agencija ili vlastita unutrašnja služba zaštite pravnog lica može obavljati poslove projektiranja ako ima lica koja ispunjavaju uvjete za te poslove. Također, brisan je st. 2. i 3. koji su preneseni u čl. 30. i 26b.

Članom 27. dopunjen je član 32. na način da je u toku obavljanja poslova zaštite i odgovorno lice agencije obavezno da nosi službenu iskaznicu, što je opravdano, jer i to lice obavlja poslove zaštite ljudi i imovine.

Članom 28. je u članu 33. utvrđen rok u kojem agencija licu kome je prestao radni odnos u agenciji treba vratiti službenu iskaznicu koju je izdalo kantonalno ministarstvo unutrašnjih poslova, jer se radi o javnoj ispravi koju mogu koristiti samo lica koja obavljaju poslove zaštite ljudi i imovine. Također je dodat novi stav 3. kojim je utvrđena obaveza kantonalnom organu unutrašnjih poslova koji je izdao službenu iskaznicu da prije izdavanja nove službene iskaznice donese rješenje o poništenju izgubljene ili uništene službene iskaznice, jer se radi o javnoj ispravi čijom zloupotrebom mogu nastati štetne posljedice.

Članom 29. izvršena je izmjena i dopuna u članu 34. prema kojem radne uniforme ne mogu biti slične uniformama Oružanih snaga BiH, uniformama policije i uniformama službenika dugih organa vlasti, kao i da se uniforma nosi na osnovu izdatog radnog naloga.

Čl. 30. i 31. izvršeno je u poglavlju VI brisanje riječi: "Obavezno" i naziv poglavlja VII i člana 37. Zakona, jer su oni obuhvaćeni novim čl. 26a. i 26c.

Članom 32. izmijenjen je član 38. kojim je određeno da pravna lica koja se bave poslovima koji nisu obuhvaćeni čl.: 26. 26a. i 26b. ovog zakona mogu organizirati vlastitu unutrašnju službu zaštite za obavljanje poslova zaštite svoje imovine, objekata (nekretnina i prijevoznih sredstava) i lica koja se nalaze u tim objektima i prostora ili angažirati agenciju. Također je određeno da organi uprave i upravne organizacije i druge institucije Federacije, kantona, grada i općine poslove fizičke i tehničke zaštite svojih zgrada i imovine (dokumentacije i sl.) mogu obavljati uspostavljanjem vlastite unutrašnje službe zaštite, s tim što ti organi i organizacije koji se nalaze u istoj zgradi organiziraju zajedničku unutrašnju službu zaštite, što se vrši zaključenjem pisanog ugovora ili angažiranjem agencije, osim ako je za pojedine organe uprave i upravne organizacije posebnim propisom drugačije određeno. Ovim članom je predviđeno da više pravnih lica koja se nalaze u istom objektu ili lokalitetu mogu zaključiti pisani ugovor o zajedničkoj unutrašnjoj službi zaštite ili angažirati agenciju za te poslove, o čemu se odobrenje za rad unutrašnjih službi u federalnim organima izdaje uz prethodnu saglasnost Federalnog ministarstva.

Članom 33. izvršeno je usklađivanje člana 39. sa članom 11. važećeg zakona.

Čl. 34. i 35. odnosi se na važeće članove 41. i 42. koji su objedinjeni u član

41.

Članom 36., kojim je mijenjan član 43., izvršeno je usklađivanje s izmjenama u članu 39. važećeg zakona.

Članom 37., kojim je mijenjan član 45., izvršeno je usklađivanje sa predloženim izmjenama u ovom zakonu.

Članom 38. u članu 46. je dodat novi stav 3., kojim je precizirano da poslove fizičke i tehničke zaštite iz nadležnosti unutrašnjih službi zaštite obavljaju lica koja su u radnom odnosu u pravnom licu i koja imaju certifikat za fizičku, odnosno certifikat za tehničku zaštitu iz člana 19. ovog zakona. Na taj način je otklonjena mogućnost zloupotrebe da na poslovima zaštite budu angažirana druga lica, odnosno lica koja nemaju potreban certifikat.

Članom 39. je dopunjen član 48. tako što je utvrđena obaveza vođenja određenih evidencija za pitanja koja su utvrđena ovim zakonom.

Članom 40. je u članu 55. stav 1. dodata nova tačka 4) na osnovu koje kantonalni organ unutrašnjih poslova može i oduzeti odobrenje za rad agencije ili pravnom licu. Također je izvršeno usklađivanje s izmjenama i dopunama utvrđenim ovim zakonom.

Članom 41. je izvršeno usklađivanje člana 57. sa predloženim izmjenama i dopunama iz ovog zakona.

Članom 42. je mijenjan član 59. tako što se preciziraju poslovi u vezi s inspekcijskim nadzorom koje vrši Federalno ministarstvo.

Čl. 43. i 44. precizirani su poslovi u vezi s inspekcijskim nadzorom koji trebaju da omoguće jedinstvenu primjenu Zakona na području Federacije BiH, s obzirom na to da je praksa pokazala različito postupanje inspekcija kod obavljanja inspekcijskog nadzora.

Čl. 45. do 49. dopunjene su prekršajne odredbe Zakona o agencijama i unutrašnjim službama za zaštitu ljudi i imovine, a koje su u vezi sa predloženim izmjenama ovog zakona.

Čl. 50. i 51. su utvrđeni novi čl.: 64a., 64b., 64c. i 65a. Ovim članovima je utvrđeno da federalni i kantonalni inspektori iz člana 59e. ovog zakona koji se na dan stupanja na snagu ovog zakona zateknu na poslovima inspektora nastavljaju da obavljaju poslove inspektora u skladu s ovim zakonom, s tim što su dužni položiti ispit za inspektora iz člana 59d. stav 2. ovog zakona u roku od godinu dana od dana stupanja na snagu propisa iz člana 59e. ovog zakona, kao i da lica iz člana 18. stav 1. ovog zakona koja se na dan stupanja na snagu ovog zakona zateknu na poslovima tehničke zaštite, a imaju certifikat za obavljanje poslova tehničke zaštite izdat prije stupanja na snagu ovog zakona, ostaju na tim poslovima i važi samo za ta lica i da agencija i pravna lica koja imaju unutrašnju službu zaštite a obavljaju poslove fizičke zaštite ili poslove i fizičke i tehničke zaštite na području drugog kantona, odnosno van svog sjedišta, a nisu osnovali podružnicu, dužni su te podružnice osnovati u roku od šest mjeseci od dana donošenja propisa iz člana 11. stav 2. ovog zakona.

Također, u članu 65a. je predviđeno ovlašćenje da Zakonodavno-pravna komisija Predstavničkog doma i Zakonodavno-pravna komisija Doma naroda Parlamenta Federacije Bosne i Hercegovine utvrde prečišćeni tekst ovog zakona u roku od 30 dana od dana stupanja na snagu ovog zakona.

Parlament Federacije Bosne i Hercegovine je razmatrao Nacrt zakona o izmjenama i dopunama Zakona o agencijama i unutrašnjim službama za zaštitu ljudi i imovine i tom prilikom je donio Zaključak da Nacrt zakona može biti dobra osnova za izradu Prijedloga zakona o izmjenama i dopunama Zakona o agencijama i unutrašnjim službama za zaštitu ljudi i imovine. U toku održavanja javne rasprave

primjedbe i sugestije su se odnosile na pitanja koja su predmet predloženih izmjena i dopuna koje je razmatrao Parlament Federacije, odnosno tokom javne rasprave nisu predložena nova pitanja koja se trebaju regulirati ovim zakonom, već se radilo o primjedbama i sugestijama kojima se samo preciziraju pojedine zakonske odredbe.

Također, u toku izade Prijedloga zakona određene odredbe važećeg zakona su ugrađene u druge odredbe zakona, tako da te odredbe nisu nove te iz tih razloga Nacrt zakona sadrži 53 člana. Iz navedenih razloga obrađivač zakona se nije opredijelio za izradu novog zakona o agencijama i unutrašnjim službama za zaštitu ljudi i imovine, jer bi u tom slučaju došlo do zabune u Parlamentu i ne bi se omogućilo Parlamentu da daje primjedbe i sugestije na odredbe zakona koje nisu bile predmetom zakona o kojem je već raspravljao Parlament Federacije. Ovim članom je osigurano donošenje prečišćenog teksta Zakona o agencijama i unutrašnjim službama za zaštitu ljudi i imovine u kojem će biti ugrađene postojeće izmjene i dopune.

IV - IZRADA PRIJEDLOGA ZAKONA NA OSNOVU REZULTATA JAVNE RASPRAVE

1) Provođenje javne rasprave

Parlament Federacije BiH, i to Predstavnički dom 26. 10. 2011. godine, a Dom naroda 10. 11. 2011. godine, razmatrao je Nacrt zakona o izmjenama i dopunama Zakona o agencijama i unutrašnjim službama za zaštitu ljudi i imovine.

Oba doma Parlamenta Federacije BiH su zaključila da o Nacrtu zakona o izmjenama i dopunama Zakona o agencijama i unutrašnjim službama za zaštitu ljudi i imovine treba organizirati javnu raspravu te na osnovu te rasprave i nacrtu zakona izraditi prijedlog zakona i u redovnoj proceduri dostaviti Parlamentu na razmatranje i usvajanje.

Organizatori javne rasprave bili su Komisija za sigurnost Doma naroda Parlamenta Federacije BiH i Federalno ministarstvo unutrašnjih poslova. Javna rasprava je održana 23. 1. 2012. godine u Velikoj sali Parlamenta Federacije BiH, u Sarajevu, ul. Hamdije Kreševljakovića br. 3. Raspravi su prisustvovali predstavnici agencija, pravnih lica koji imaju organizirane unutrašnje službe zaštite i kantonalna ministarstva unutrašnjih poslova sa područja Federacije BiH. Pored te javne rasprave mnogi učesnici su dostavili i u pismenom obliku svoje primjedbe i sugestije na Nacrt predmetnog zakona.

2) Rezultati javne rasprave

U okviru javne rasprave o Nacrtu zakona, u obzir su uzete primjedbe i sugestije date u oba doma Parlamenta Federacije BiH, primjedbe i sugestije date u provedenoj javnoj raspravi i primjedbe i sugestije koje su FMUP-u dostavljene u pisanoj formi. Na Nacrt zakona dato je ukupno 169 pojedinačnih primjedbi i sugestija, a date su od strane sljedećih organa i pravnih lica:

- a) Parlament Federacije BiH - Predstavnički dom 14 primjedbi, a Dom naroda 7 primjedbi;
- b) na javnoj raspravi održanoj 23. 1. 2012. godine prisustvovalo je 80 učesnika sa područja Federacije, dato je 49 pojedinačnih primjedbi;

- c) pravna lica koja imaju organiziranu vlastitu unutrašnju službu zaštite – dostavili su 32 pisane primjedbe;
- d) agencije za zaštitu ljudi i imovine - dostavile su 17 pisanih primjedbi i sugestija;
- e) kantonalna ministarstva unutrašnjih poslova – dostavila su 50 pisanih primjedbi i sugestija.

3) Izrada konačnog teksta Nacrta zakona

Izrada konačnog teksta Nacrta zakona izvršena je tako što je tekst nacrta zakona koji je bio na raspravi u Parlamentu Federacije dograđen primjedbama i sugestijama koje su date u okviru provedene javne rasprave. Na taj način je tekst Zakona poboljšan u značajnom stepenu. U tom cilju prihvaćene su sve primjedbe i sugestije za koje je ocijenjeno da doprinose jasnijem i preciznijem definiranju mnogih pitanja na koja je praksa ukazala da treba regulirati. Na taj način je preko 80 % datih primjedbi i sugestija prihvaćeno i na odgovarajući način ugrađeno u tekst Nacrta zakona. To je dovelo i do proširenja pitanja koja se reguliraju kroz izmjene i dopune Zakona. Neke primjedbe su u cijelosti prihvaćene, a neke djelimično, tako da je njima upotpunjeno odgovarajuće pitanje koje je bilo sporno. Međutim, u znatnom broju slučajeva više subjekata je dalo iste primjedbe na isto pitanje.

4) Primjedbe iz javne rasprave koje nisu prihvaćene

Određene primjedbe i sugestije nisu mogle biti prihvaćene, jer je ocijenjeno da one nisu u funkciji jačanja odgovornosti u oblasti zaštite ljudi i imovine i većeg reda u ovoj oblasti. Ovdje se navode samo primjedbe i sugestije koje imaju širi značaj. To se odnosi na sljedeće:

1) Da se predvidi mogućnost nabavke oružja za 2/3 pripadnika fizičke zaštite, umjesto sadašnjeg rješenja od 1/2 tih pripadnika. Ovaj prijedlog nije prihvaćen, jer se cijeni da se pravilnim rasporedom obavljanja poslova uz postojeću količinu oružja mogu zadovoljiti potrebe fizičke zaštite.

2) Prijedlog da se stranka obaveže da lično pribavlja sve dokaze iz kaznene evidencije, jer te podatke ne može po službenoj dužnosti utvrditi kantonalni organ unutrašnjih poslova, jer drugi organi odbijaju izdati te podatke s obzirom na to da spadaju u kategoriju propisa o zaštiti ličnih podataka. Ovaj prijedlog nije prihvaćen u cjelini, već samo djelimično, tako što KMUP treba da pribavi po službenoj dužnosti samo one podatke koje ima u svojoj evidenciji (član 9. stav 3. Nacrta zakona).

3) Prijedlog da se za inspektore predvidi uvećanje plaće za 30 % nije prihvaćen iz razloga što to pitanje ne predstavlja predmet ovog zakona. Ova pitanja za federalnu inspekciju uređuju se u Zakonu o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), a za kantonalne inspekcije to pitanje se uređuje odgovarajućim propisima kantona. Naime, federalni zakon ne može utvrditi finansijske obaveze koje idu na teret kantonalnog budžeta, već se to može vršiti samo zakonom kantona.

4) Prijedlog da se unutrašnjim službama zaštite dozvoli da mogu vršiti transport novca za treće subjekte, kao što je pošta koja se bavi i finansijskom djelatnošću i postoji poštanska banka. Ovaj prijedlog nije prihvaćen zbog toga što se time krši osnovni princip za osnivanje službe zaštite za vlastite potrebe tog pravnog lica. Ako bi ta služba obavljala određene poslove za treća lica, ona time gubi svojstvo vlastite službe i postaje subjekt na tržištu rada, ako obavlja poslove za treće subjekte,

čime stiže dohodak. Zbog toga ta pravna lica mogu osnovati agenciju i tako se baviti poslovima za treće subjekte, a ne posebnu unutrašnju službu zaštite.

5) Prijedlog da se Zakonom urede pitanja koja će obavljati inspektor (državni službenik), a posebno pitanja na kojima će raditi policijski službenik, nije prihvaćen. Ovo iz razloga što inspekcijski nadzor utvrđen ovim zakonom mogu vršiti samo inspektori (državni službenici), a policijski službenici poslove iz svoje nadležnosti obavljaju prema posebnim propisima. Prema tome, kontrola nošenja oružja od strane čuvara van radnog vremena i slično su poslovi iz nadležnosti policije i te radnje treba da obavlja policija. Inspektor (državni službenik) obavlja inspekcijski nadzor samo u pitanjima utvrđenim u čl. 59. i 59a. Nacrta zakona, a sve van toga vrši policija, jer ta pitanja spadaju u nadležnost policije.

6) Prijedlog da se predvidi da osnivač agencije bude prethodno registriran kao privredno društvo, pa onda da traži odobrenje za rad kao agencija nije prihvaćen, jer je zakonom predviđeno da osnivač agencije može biti pravno ili fizičko lice. Prema tome, nema potrebe da se utvrđuje posebna obaveza registriranja, već se cijeni da je postojeće rješenje dobro i da u praksi u tom pogledu nema nikakvih problema. Poenta je u tome da se registriraju samo oni poslovi zaštite koji budu utvrđeni u odobrenju za rad agencije koje izdaje KMUP, jer se ovdje radi o poslovima od posebnog javnog interesa, a taj interes se štiti kroz odobrenje za rad i ono je centralni akt u ovoj oblasti.

7) Određen broj prijedloga nije prihvaćen, jer se odnose na pitanja koja ne spadaju u zakonsku materiju, već u materiju podzakonskih propisa. Prema tome, sve te primjedbe će biti ugrađene u odgovarajuće podzakonske propise koji će se donijeti na osnovu ovog zakona i na taj način stvoriti uvjete za potpunu implementaciju zakona u praksi.

V - FINANSIJSKA SREDSTVA

Za realizaciju ovog zakona nije potrebno iz budžeta Federacije BiH izdvajati dodatna novčana sredstva.

ODREDBE
ZAKONA O IZMJENAMA I DOPUNAMA ZAKONA O
O AGENCIJAMA I UNUTRAŠNJIM SLUŽBAMA ZA ZAŠTITU LJUDI I IMOVINE
KOJE SE MIJENJAJU

Član 2.

Poslovi zaštite ljudi i imovine privrednih društava, ustanova i drugih pravnih lica (u daljnjem tekstu: pravna lica) obavljaju se osnivanjem agencija za te poslove ili organiziranjem unutrašnje službe zaštite u pravnom licu, u skladu sa ovim Zakonom.

Agencije ne mogu obavljati poslove zaštite ljudi i imovine za potrebe Oružanih snaga Bosne i Hercegovine i organa uprave koji obavljaju poslove iz svoje nadležnosti na osnovu ovlaštenja utvrđenih posebnim zakonima.

Agencije ne mogu obavljati poslove posredovanja u naplati potraživanja i poslove privatnog detektiva.

Institucije Bosne i Hercegovine mogu organizirati zaštitu ljudi i imovine u skladu s ovim zakonom, do donošenja zakona Bosne i Hercegovine za ovu oblast.“

Član 3a.

Federalno ministarstvo unutrašnjih poslova - Federalno ministarstvo unutarnjih poslova i kantonalni organ unutrašnjih poslova u rješavanju zahtjeva stranaka radi utvrđivanja činjeničnog stanja i donošenja rješenja o pitanjima utvrđenim ovim zakonom postupaju po odredbama Zakona o upravnom postupku („Službene novine Federacije BiH“, br. 2/98 i 48/99), osim u slučajevima u kojima je ovim zakonom drugačije određeno.

Član 3.

U djelatnost agencije spadaju poslovi koji se odnose na zaštitu ljudi i imovine i obavljaju se kao fizička i/ili tehnička zaštita, na način uređen ovim zakonom i podzakonskim propisima donesenim na osnovu ovog zakona.

Fizička zaštita, prema ovom Zakonu, bliska je zaštita ljudi i imovine od uništenja, oštećenja, krađe i drugih oblika opasnog ili štetnog djelovanja na zdravlje i život ljudi, odnosno na imovinu i **fizička zaštita lica u pokretu (bliska zaštita)**.

Tehnička zaštita, prema ovom Zakonu, zaštita je ljudi i imovine tehničkim sredstvima i opremom namijenjenim za te potrebe.

Za zakonit rad agencije, odnosno za obavljanje poslova fizičke i tehničke zaštite odgovara odgovorno lice agencije.

Odgovorno lice upravlja, organizira, te obavlja i druge poslove radi zaštite objekata, prostora i ličnosti koje vrši agencija.

Član 4a.

U okviru djelatnosti agencije iz člana 4. ovog zakona poslovi zaštite ljudi i imovine obuhvataju sljedeće:

- 6) osiguranje privrednih, poslovnih, stambenih i drugih objekata;
- 7) fizičku zaštitu lica (bliska zaštita);
- 8) osiguranje prijevoza, pratnje i prijenosa novca, vrijednosnih papira i dragocjenosti;
- 9) zaštitu prirodnih dobara i čovjekove sredine;
- 10) osiguranje održavanja sportskih takmičenja, kulturnih i drugih manifestacija i javnih okupljanja.“

Član 5.

Poslovi zaštite ljudi i imovine ne podrazumijevaju ulično patroliranje u naselju, kao ni patroliranje u industrijskim i saobraćajnim centrima te patroliranje saobraćajnim sredstvima na moru, rijekama i jezerima, koji spadaju u nadležnost policije i obavljaju se po posebnim propisima.“

Član 9.

U postupku osnivanja agencije za obavljanje poslova zaštite iz člana 4. ovog Zakona, osnivač je dužan pribaviti odobrenje za rad od nadležnog kantonalnog organa unutrašnjih poslova, a nakon toga nadležnom sudu podnijeti zahtjev za upis agencije u sudski registar.

Upis agencije u sudski registar obavlja se kod nadležnog suda prema sjedištu agencije, u skladu sa propisima o upisu privrednih društava u sudski registar, s tim što se u sudski registar može upisati samo agencija sa odobrenjem za rad iz stava 1. ovog člana, koje se prilaže u prilogu zahtjeva za upis u sudski registar. **U sudski registar mogu se upisati i poslovi servisiranja i održavanja sistema tehničke zaštite.**

Član 10.

Agencija koja ima namjeru da obavlja samo poslove fizičke zaštite ili poslove i fizičke i tehničke zaštite na području drugog kantona u odnosu na mjesto sjedišta agencije dužna je osnovati podružnicu koja ima status podružnice predviđene za privredna društva.

Podružnica iz stava 1. ovog člana dužna je pribaviti odobrenje za obavljanje poslova fizičke zaštite, odnosno za poslove fizičke i tehničke zaštite od kantonalnog organa unutrašnjih poslova prema mjestu sjedišta podružnice.

Odgovarajuća tehnička sredstva i oprema za obavljanje poslova fizičke zaštite u podružnicama i tehničke zaštite iz člana 10a. ovog zakona bliže će se urediti propisom iz člana 11. stav 2. ovog zakona.

Odgovorno lice agencije može biti istovremeno i odgovorno lice podružnice ako nije određeno posebno odgovorno lice za podružnicu.

Podružnica se upisuje u sudski registar suda u kojem je upisana agencija, a primjerak tog rješenja dostavlja se kantonalnom organu unutrašnjih poslova na čijem području podružnica ima sjedište.

Izuzetno, podružnica iz stava 1. ovog člana ne mora se osnivati za obavljanje poslova fizičke zaštite lica (bliske zaštite), pratnje prijevoza i prijenosa novca, vrijednosnih papira i dragocjenosti, osiguranje radova na miniranju terena i drugih poslova koji ne traju duže od pet dana u toku mjeseca, s tim što je agencija dužna o ovavljanju tih poslova pismeno obavijestiti kantonalni organ unutrašnjih poslova na čijem se području obavljaju ti poslovi najkasnije tri dana prije početka obavljanja tih poslova i tom organu dostaviti ovjerenu kopiju ugovora o obavljanju tih poslova.”

Član 10a.

Agencija koja ima namjeru da obavlja samo poslove tehničke zaštite na području dugog kantona nije dužna osnovati podružnicu:

1) ako ima saglasnost Federalnog ministarstva za pravna lica iz člana 26. stav 2., člana 26b. stav 2. i člana 38. stav 5. ovog zakona, s tim što je dužna o obavljanju tih poslova pismeno obavijestiti kantonalni organ unutrašnjih poslova na čijem području treba da obavlja te poslove najkasnije tri dana prije početka obavljanja tih poslova i tom organu dostaviti ovjerenu kopiju ugovora za te poslove,

2) ako ima namjeru da obavlja poslove tehničke zaštite za pravna lica iz člana 26. stav 3., člana 26b. stav 1. i člana 38. ovog zakona, mora prethodno pribaviti samo odobrenje za obavljanje poslova tehničke zaštite od kantonalnog organa unutrašnjih poslova na čijem se području trebaju obavljati ti poslovi.”

Član 12.

Ukoliko je osnivač agencije fizičko lice, osim uvjeta utvrđenih u članu 11. ovog Zakona, dužno je ispunjavati i sljedeće uvjete:

- 1) da je državljanin Bosne i Hercegovine;
- 2) da se protiv lica ne vodi krivični postupak, da nije osuđivano za krivično djelo za koje je izrečena zatvorska kazna, osim krivičnih dijela protiv sigurnosti javnog prometa, odnosno da nije **osuđeno** za prekršaj protiv javnog reda i mira sa obilježjem **nasilničkog ponašanja (tuča i sl.)**;
- 3) ne može biti lice koje je bilo koji organ za provođenje zakona u Bosni i Hercegovini otpustio zbog nesavjesnog vršenja dužnosti i
- 4) ne može biti lice koje je COMSFOR smijenio iz vojne službe, u skladu sa "Uputstvom stranama, **ako nadležni organ pitanje ovih lica nije drugačije riješio**“.

Kantonalni organ unutrašnjih poslova po službenoj dužnosti utvrđuje činjenicu iz tačke 2) stav 1. ovog člana i člana 16. stav 1. tačka 4) ovog zakona, koja se odnosi na to da lice nije osuđivano za krivično djelo na osnovu podataka iz službene evidencije koju vodi o tim činjenicama samo ako se taj podatak za to lice nalazi u evidenciji tog organa.”

Član 12a.

Osnivač agencije može biti strano pravno i fizičko lice koje ima odobrenje za obavljanje djelatnosti zaštite ljudi i imovine izdato od države članice Evropske unije.

Osnivanje agencije po stavu 1. ovog člana vrši se u skladu s odredbama ovog zakona na osnovu odobrenja za rad koje izdaje Federalno ministarstvo. Odobrenje se izdaje po principu reciprociteta.

Član 13.

Osnivač podnosi zahtjev za dobijanje odobrenja za rad agencije kantonalnom organu unutrašnjih poslova prema sjedištu agencije.

Zahtjev se podnosi na obrascu koji propisuje federalni ministar unutrašnjih poslova.

Uz zahtjev se prilažu dokazi o ispunjavanju uvjeta iz čl. 11. i 12. ovog Zakona.

U slučaju promjene naziva agencije ili podružnice ili odgovornog lica ili sjedišta agencije, odnosno podružnice ili osnivača ili djelatnosti (fizička ili tehnička zaštita) agencija je dužna podnijeti zahtjev kantonalnom organu unutrašnjih poslova da se te promjene izvrše u rješenju kojim je agenciji dato odobrenje za rad, ako se te činjenice nalaze u tom rješenju.

Promjene iz stava 1. ovog člana vrše se u roku od osam dana od dana prijema akta registarskog suda koji se prilaže uz zahtjev i promjena u rješenju vrši se na osnovu tog sudskog akta.

Ako agencija obavlja poslove sa minimalnim brojem lica, od pet, odnosno deset, pa se iz bilo kojih razloga taj broj smanji ispod minimuma, u tom slučaju dužna je o tome u roku od osam dana od nastale promjene obavijestiti kantonalni organ unutrašnjih poslova koji je izdao odobrenje za rad ili podnijeti zahtjev za produženje važenja odobrenja. Odobrenje se može produžiti do 30 dana dok agencija ne izvrši popunu broja lica koja nedostaju.

Član 15.

Agencija može početi rad kada dobije rješenje o upisu u sudski registar.

Odobrenje za rad agencije prestaje važiti ako agencija u roku od šest mjeseci od dana dobijanja odobrenja ne počne raditi.

Ako osnivač agencije nije počeo sa radom u roku iz stava 1. ovog člana, dužan je o tome obavijestiti kantonalni organ unutrašnjih poslova koji je izdao odobrenje za rad ili može prije isteka tog roka podnijeti zahtjev kantonalnom organu unutrašnjih poslova da se taj rok produži za još do 60 dana. Odobrenje se može produžiti ako se utvrdi da agencija nije mogla početi sa radom iz objektivnih razloga (teška bolest osnivača agencije ili drugi opravdani razlozi koje u postupku rješavanja zahtjeva utvrdi kantonalni organ unutrašnjih poslova).

Član 16.

Poslove fizičke i tehničke zaštite iz nadležnosti agencije mogu obavljati samo lica koja ispunjavaju sljedeće uvjete:

- 7) da su državljani Bosne i Hercegovine;
- 8) da imaju certifikat za obavljanje poslova zaštite predviđen ovim zakonom, s tim što se uzima u obzir i certifikat izdat od nadležnog organa države Evropske unije koji odgovara programu iz člana 17. ovog zakona;
- 9) da su tjelesno i duševno sposobni obavljati poslove zaštite;
- 10) da protiv lica nije pokrenut krivični postupak, da nije osuđivano za krivično djelo za koje je izrečena zatvorska kazna, osim krivičnih djela protiv sigurnosti javnog saobraćaja, odnosno da nije osuđeno za prekršaj protiv javnog reda i mira s obilježjima nasilničkog ponašanja (tuča i sl.);
- 11) da ne može biti lice koje je bilo koji organ za provođenje zakona u Bosni i Hercegovini otpustio zbog nesavjesnog obavljanja dužnosti;
- 12) da ima školsku spremu utvrđenu u članu 18. stav 1. ovog zakona.

Uvjeti iz stava 1. ovog člana odnose se i na odgovorno lice agencije.

Agencija je dužna da obavijesti kantonalni organ unutrašnjih poslova ukoliko je njen zaposlenik pravosnažno osuđen za prekršaj protiv javnog reda i mira s obilježjima nasilničkog ponašanja ili je optužnica za krivično djelo stala na pravnu snagu, odnosno da je pravosnažno osuđen za krivično djelo. Obavještenje se vrši u roku od osam dana od dana saznanja za te činjenice.

Ako lice iz stava 1. ovog člana bude pravosnažno osuđen za krivično djelo iz stava 1. tačka 4) ovog člana na uvjetnu osudu, u tom slučaju Federalno ministarstvo donosi rješenje, kojim tom licu zabranjuje rad na poslovima fizičke i tehničke zaštite najmanje na period izrečene uvjetne osude.

Federalni ministar unutrašnjih poslova, u saradnji sa federalnim ministrom zdravstva, propisuje kriterije za provjeru zdravstvene sposobnosti iz tačke 3) stav 1. ovog člana.

Član 17.

U članu 17. st. 2. i 3. mijenjaju se i glase:

Certifikat za obavljanje poslova zaštite iz člana 4. ovog Zakona može steći lice koje pohađa odgovarajuću obuku za obavljanje tih poslova i položi ispit iz te obuke.

Obuka iz stava 1. ovog člana izvodi se prema programu obuke koji utvrdi federalni ministar unutrašnjih poslova, s tim što se u izradi i provođenju programa mogu angažirati naučne, istraživačke, visokoškolske i druge institucije.

Organiziranje i izvođenje obuke obavlja Federalno ministarstvo.

Obuke iz stava 1. ovog člana oslobođena su lica koja su najmanje tri godine vršila dužnost policijskog službenika, sudskog ili zatvorskog policajca ili vojnog

policaјca, o čemu federalni ministar unutrašnjih poslova donosi posebno rješenje, s tim da su dužna pristupiti polaganju ispita iz stava 6. ovog člana.

Rješenje iz stava 4. ovog člana je konačno i protiv njega se može pokrenuti upravni spor kod kantonalnog suda prema sjedištu prvostepenog organa.

Kandidati koji završe obuku pristupaju polaganju ispita pred komisijom koju imenuje federalni ministar unutrašnjih poslova.

Licu koje položi ispit Federalno ministarstvo izdaje certifikat (uvjerenje).

Član 18.

Obuku za sticanje certifikata za obavljanje poslova fizičke i tehničke zaštite mogu pohađati lica koja pored uvjeta utvrđenih u članu 16. stav 1. tačka: 1), 3), 4) i 5) ovog zakona imaju završenu najmanje srednju školu, a lica koja obavljaju poslove tehničke zaštite imaju završenu srednju školu – IV stepen iz oblasti mašinstva, elektrotehnike i saobraćaja, odnosno završenu srednju školu – III stepena, zanimanje električar i električar telekomunikacija, a odgovorno lice treba da posjeduje najmanje višu školsku spremu.

Certifikat iz stava 1. ovog člana ne može steći lice koje je COMSFOR smijenio iz vojne službe, u skladu s Uputstvom stranama, ako nadležni organ pitanje ovih lica nije drugačije riješio.

Pohađanje obuke za sticanje certifikata odvija se podnošenjem zahtjeva za pohađanje obuke kantonalnom organu unutrašnjih poslova prema mjestu prebivališta zainteresiranog lica.

Uz zahtjev se prilažu dokazi o ispunjavanju uvjeta iz stava 1. ovog člana.

O zahtjevu iz stava 2. ovog člana kantonalni organ unutrašnjih poslova odlučuje donošenjem rješenja, **stim da rješenje kojim se odobrava pohađanje obuke važi godinu dana**

Protiv rješenja iz stava 4. ovog člana može se izjaviti žalba Federalnom ministarstvu u roku od osam dana od dana prijema rješenja.

Kantonalni organ unutrašnjih poslova dužan je dostaviti primjerak rješenja iz stava 4. ovog člana Federalnom ministarstvu radi organiziranja obuke.

Član 20.

Agencija može obavljati poslove zaštite samo na osnovu ugovora sklopljenog u pisanoj formi sa pravnim ili fizičkim licem.

U ugovoru se precizno utvrđuju prava i obaveze ugovornih strana.

Agencija je obavezna primjerak ugovora iz stava 1. ovog člana dostaviti kantonalnom organu unutrašnjih poslova u sjedištu agencije, odnosno u sjedištu podružnice u roku od sedam dana od dana njegovog sklapanja, odnosno raskidanja, s tim što je dužna primjerak tog ugovora koji se odnosi na pravna lica iz člana 26. stav 2. ovog zakona i pravna lica određena aktom Vlade

Federacije iz člana 26a. ovog zakona u istom roku dostaviti i Federalnom ministarstvu.

Član 22.

Lica angažirana za obavljanje poslova zaštite iz člana 4. ovog Zakona u radnom su odnosu u agenciji, **u skladu sa Zakonom o radu i drugim općim propisima o radu.**

Ako agencija obavlja poslove iz svoje nadležnosti neprekidno ili povremeno u smjenama 24 sata, u tom slučaju rad u smjenama se raspoređuje tako da ukupno radno vrijeme zaposlenika u toku godine u prosjeku ne može biti duže od 40 sati sedmično, s tim da jedna smjena ne može trajati duže od 12 sati, što se utvrđuje u aktu o rasporedu smjena i u ovim slučajevima za zaposlena lica mora se osigurati dnevni odmor od najmanje 12 sati neprekidno.

Član 24.

Agencija koja obavlja poslove fizičke zaštite može posjedovati vatreno oružje kratke cijevi za najviše jednu polovinu **svog certificiranog osoblja za poslove fizičke zaštite, računajući i odgovorno lice**, a koje će čuvari nositi za samoodbranu.

Agencija koja obavlja poslove prijevoza novca i drugih dragocjenosti ima pravo na svako blindirano/oklopno vozilo za koje posjeduje odgovarajuće odobrenje Federalnog ministarstva nabaviti najviše jedno oružje dugačke cijevi, poluautomatskog načina okidanja (sačmarica, pumparica).

Oružje iz stava 2. ovog člana može nabaviti i vlastita unutrašnja služba zaštite aerodroma, kao i druga pravna lica određena propisom iz stava 6. ovog člana.

Odobrenje za nabavku oružja iz st.: 1., 2., i 3. ovog člana izdaje se uz prethodnu saglasnost Federalnog ministarstva.

Federalni ministar unutrašnjih poslova utvrđuje pojam oružja kratke cijevi, kalibar oružja i druga pitanja u odnosu na oružje iz st.: 1., 2. i 3. ovog člana.

Član 25.

Agencije su dužne organizirati periodičnu provjeru sposobnosti rukovanja oružjem za lica koja obavljaju poslove fizičke zaštite i provjeru zdravstvene i psihofizičke sposobnosti svih lica koja obavljaju poslove fizičke ili tehničke zaštite, s tim da se na određenim radnim mjestima tehničke zaštite mogu angažirati invalidna lica koja mogu obavljati te poslove, kao i organizirati stručnu obuku za lica koja obavljaju poslove fizičke i tehničke zaštite.

Federalni ministar unutrašnjih poslova propisat će način organiziranja periodične provjere sposobnosti rukovanja oružjem i provjere zdravstvene i psihofizičke sposobnosti zaposlenika agencije **i stručnu obuku za lica koja obavljaju poslove fizičke i tehničke zaštite.**

2a. Pravna lica u kojima se obavezno organizira zaštita ljudi i imovine“.

Član 26.

Pravna lica koja se bave poslovima utvrđenim u st. 2. i 3. ovog člana i člana 26a. ovog zakona, za obavljanje poslova fizičke i tehničke zaštite svog ljudstva, objekata i prostora, dužna su organizirati vlastitu unutrašnju službu zaštite ili angažirati agenciju zaključenjem ugovora.

Poslove fizičke i tehničke zaštite u pravnim licima koja vrše praćenje, osiguranje prijevoza i prijenosa novca, vrijednosnih papira i dragocjenosti, kao i pravnim licima u čijoj strukturi kapitala Federacija ima vlasnički udio i pravnim licima koja proizvode, koriste, skladište i prevoze radioaktivne ili zapaljive materije, eksploziv, nuklearno gorivo i otpatke ili vrše proizvodnju, preradu, distribuciju i skladištenje nafte i naftnih derivata kapaciteta iznad 1.000 m³ i gasa ili se bave proizvodnjom i distribucijom električne energije, mogu obavljati samo vlastite unutrašnje službe zaštite ili agencije koje pored odobrenja za rad kantonalnog organa unutrašnjih poslova imaju i posebnu saglasnost Federalnog ministarstva. Saglasnost se izdaje u obliku rješenja.

Poslove fizičke i tehničke zaštite u pravnim licima koja se bave eksploatacijom izvorišta pitke i mineralne vode ili proizvode ili koriste opasne i štetne materije po ljude, materijalna dobra i okoliš koje nisu obuhvaćene u stavu 2. ovog člana, proizvodnju, preradu, distribuciju i skladištenje nafte i naftnih derivata kapaciteta do 1.000 m³ mogu obavljati vlastite unutrašnje službe zaštite ili angažiranje agencije zaključenjem ugovora.

Vlada Federacije će odrediti minimalni iznos i količinu opasnih i štetnih materija koje trebaju da se štite u skladu s ovim zakonom te način i postupak njihove zaštite i druga pitanja koja se odnose na zaštitu tih materija.“

Član 26a.

Pravna lica u kojima Federacija ima vlasnički udio, kao i pravna lica koja je osnovala Federacija, svojim aktom određuje Vlada Federacije, a pravna lica za ista pitanja iz nadležnosti kantona određuje vlada kantona, odnosno za ta pitanja iz nadležnosti općine i grada određuje općinski načelnik, odnosno gradonačelnik.

Član 26b.

Za obavljanje poslova fizičke i tehničke zaštite u pravnim licima koja se bave čuvanjem i transakcijom novca, vrijednosnih papira i dragocjenosti, što se odnosi na banke, mikrokreditne organizacije, štedionice, mjenjačnice, kladionice, kockarnice, kasina, Lutriju BiH, pošte, operatere telekomunikacija i uplatno-isplatna mjesta novca i vrijednosnih papira javnih preduzeća i drugih pravnih lica, dužna su organizirati vlastitu unutrašnju službu zaštite ili angažirati agenciju.

Banke, centri pošta, Lutrija BiH i operateri telekomunikacija za organiziranje vlastite unutrašnje službe zaštite ili angažiranje agencije moraju imati saglasnost Federalnog ministarstva.

Zaštita iz stava 1. ovog člana odnosi se na zaštitu gotovog novca, vrijednosnih papira i dragocjenosti čiji se prijevoz i prijenos vrši na području Federacije, kao i zaštita lica koja obavljaju poslove gotovim novcem, vrijednosnim papirima i dragocjenostima i podataka pribavljenih primjenom mjera zaštite.

Prijevoz i prijenos novca, vrijednosnih papira i dragocjenosti može se vršiti samo blindiranim vozilom i sigurnosnom kasom, odnosno spremnikom, za šta se mora imati odobrenje Federalnog ministarstva koje se izdaje u skladu sa propisom iz stava 5. ovog člana. Odobrenje se izdaje u obliku rješenja.

Vlada Federacije će, na prijedlog federalnog ministra unutrašnjih poslova, propisati način i postupak obavljanja mjera zaštite, uvjete za korištenje blindiranih vozila i sigurnosnih kasa, odnosno spremnika, vršenje prijevoza i prijensa gotovog novca, vrijednosnih papira i dragocjenosti i druga pitanja koja se odnose na prijevoz, odnosno prijenos ovih sredstava.

Član 26c.

Pravna lica iz čl.: 26., 26a, i 26b. stav 1. ovog zakona obavezna su izraditi procjenu ugroženosti i elaborat o zaštiti prema propisu iz stava 3. ovog člana.

Saglasnost na akte iz stava 1. ovog člana daju:

Federalno ministarstvo - za pravna lica iz člana 26. stav 2. i člana 26a. ovog zakona koja su određena aktom Vlade Federacije, kao i pravna lica iz člana 26b. stav 2. ovog zakona;

kantonalni organi unutrašnjih poslova - za pravna lica iz člana 26. stav 3. i člana 26a. ovog zakona koja su određena aktom vlade kantona i aktom općinskog načelnika, odnosno gradonačelnika, kao i pravna lica iz člana 26b. stav 1. ovog člana a koja nisu obuhvaćena stavom 2. tog člana.

Federalni ministar unutrašnjih poslova donosi metodologiju o sadržaju i načinu izrade procjene ugroženosti i elaborat o zaštiti iz stava 1. ovog člana.“

Član 27.

„Čuvari koji obavljaju poslove fizičke zaštite objekata, prostora i imovine ovlašteni su za preduzimanje sljedećih radnji:

- 10) provjeriti identitet lica koja ulaze ili izlaze iz zaštićenog objekta ili prostora i u samom prostoru koji se štiti;
- 11) upozoriti lice da se udalji iz prostora ili objekta koji se osigurava ako se neovlašteno nalazi ili zadržava u tom prostoru, odnosno objektu;
- 12) spriječiti neovlaštenom licu ulazak u prostor ili objekat koji se osigurava;
- 13) zadržati lice zatečeno u prostoru ili objektu koji se osigurava u izvršenju krivičnog djela do dolaska policije;
- 14) spriječiti neovlašten ulazak, odnosno izlazak vozila ili lica sa prtljagom iz prostora ili objekta koji se osigurava, kao i obaviti pregled tih vozila i lica;
- 15) privremeno ograničiti kretanje licu u šticienom objektu ili prostoru, kada je to neophodno;
- 16) osigurati mjesto događaja do dolaska policije;
- 17) upotrijebiti fizičku silu;

18) upotrijebiti vatreno oružje.

U obavljanju poslova iz stava 1. ovog člana čuvar može upotrijebiti najmanju potrebnu silu i o upotrijebljenoj sili odmah upoznati odgovorno lice agencije.

Prava i dužnosti iz stava 1. ovog člana čuvar može ostvariti samo u štíćenom objektu ili prostoru, a ovlaštenja iz tač. 8) i 9) stav 1. ovog člana koristi prilikom pratnje, prijevoza i prijenosa novca, vrijednosnih papira i dragocjenosti i fizičke zaštite lica (bliska zaštita).

Prilikom primjene ovlaštenja iz stava 1. ovog člana niko ne smije biti podvrgnut mučenju, nečovječnom ili ponižavajućem postupanju, niti se smiju izazivati veće štetne posljedice od onih koje bi nastupile da čuvar nije primijenio ta ovlaštenja.

Čuvar koji zadrži lice iz tačke 4) stav 1. ovog člana dužan je odmah o tome obavijestiti policiju i upoznati je sa razlozima zadržavanja te postupati prema uputama dobijenim od policije do njenog dolaska.

Federalni ministar unutrašnjih poslova propisat će sadržaj, obaveze i način obavljanja radnji iz stava 1. ovog člana, kao i način korištenja fizičke sile iz člana 28. i upotrebu vatrenog oružja iz člana 29. ovog zakona i druga pitanja koja se odnose na način ostvarivanja prava i dužnosti iz te odredbe.“

Član 29.

Čuvar u obavljanju poslova fizičke zaštite može upotrijebiti vatreno oružje samo kada je to nužno radi zaštite života lica koje čuva ili svoga života i ako se neposredni protupravni napad prema štíćenom licu ili prema njemu nije mogao odbiti upotrebom fizičke sile, odnosno ako se na drugi način nije mogao odbiti neposredni napad na imovinu koju štiti.

Pri upotrebi vatrenog oružja čuvar je dužan upozoriti lice protiv kojeg namjerava upotrijebiti vatreno oružje.

Upozorenje iz stava 2. ovog člana neće se upućivati ukoliko bi se time doveli u pitanje životi lica koja se štite ili život čuvara.

Zabranjeno je ispaljivanje hitaca upozorenja.

Kada čuvar upotrijebi fizičku silu ili vatreno oružje pri obavljanju poslova fizičke zaštite, dužan je odmah o tome obavijestiti policiju i odgovorno lice, a najkasnije u roku od 24 sata sačiniti pisani izvještaj i podnijeti ga odgovornom licu agencije.

Agencija dostavlja izvještaj o upotrebi fizičke sile ili vatrenog oružja nadležnom kantonalnom organu unutrašnjih poslova u roku od tri dana od dana prijema izvještaja iz stava 5. ovog člana.

Zabranjeno je nošenje vatrenog oružja iz člana 24. ovog zakona izvan objekta i prostora koji se štiti, kao i poslije završenog radnog vremena, osim u slučajevima prijevoza i prijenosa gotovog novca, vrijednosnih papira, dragocjenosti i fizičke zaštite lica (bliska zaštita), kao i u slučajevima interventnih aktivnosti (aktivirano zaštitno-dojavno sredstvo i dr.), o čemu se stara odgovorno lice agencije, odnosno unutrašnje službe zaštite.

Agencija je dužna osigurati odgovarajući spremnik za čuvanje vatrenog oružja u objektu koji se čuva poslije radnog vremena, što se bliže uređuje u propisu iz člana 24. stav 5. ovog zakona.“

Član 30.

Poslovi tehničke zaštite iz stava 3. člana 4. ovog zakona obavljaju se upotrebom tehničkih sredstava za sprečavanje protupravnih radnji usmjerenih prema licima ili imovini koji se osiguravaju, odnosno štite, a odnose se na sljedeće:

- 11) protuprovalne, protuprepadne i protudiverzijske tehnike;
- 12) zaštitu ljudi i čovjekova okoliša;
- 13) zaštitu podataka i dokumentacije;
- 14) zaštitu nedopuštenog pristupa u štíćene prostore i objekte;
- 15) zaštitu od unošenja eksplozivnih, jonizirajućih i drugih opasnih materija;
- 16) zaštitu od iznošenja, odnosno otuđenja štíćenih predmeta i stvari;
- 17) zaštitu putem videonadzora;
- 18) zaštitu prilikom obavljanja poslova osiguranja pratnje, prijevoza i prijenosa novca, vrijednosnih papira i dragocjenosti;
- 19) zaštitu pohranjenih podataka prikupljenih u toku obavljanja poslova tehničke zaštite i
- 20) zaštitu od požara putem tehničkog sistema dojava (vatrodojava) u skladu sa propisima koji se odnose na sistem vatrodojave.

Tehnička zaštita iz stava 1. ovog člana organizira se i provodi na području štíćenog prostora, odnosno štíćenih zgrada i drugih objekata, kao i u pratnji i osiguranju tokom prijevoza štíćenih lica (bliska zaštita), prijevoza putnika u javnom saobraćaju, novca, vrijednosnih papira i dragocjenosti.

Agencija mora osigurati intervenciju u slučajevima aktiviranja alarmnog sistema ili po prijavi najdalje u roku do 15 minuta od aktiviranja, odnosno prijave. Intervencija može biti vlastita ili angažiranjem druge agencije koja se bavi poslovima fizičke zaštite, o čemu mora biti zaključen ugovor o pružanju tih usluga.

Intervencija iz stava 3. ovog člana podrazumijeva najmanje dva naoružana čuvara koji su zaposlenici agencije. Ukoliko se intervencija vrši vozilom, u tom slučaju vozilo agencije mora biti označeno znakom (logo) agencije.

Vlada Federacije će na prijedlog federalnog ministra unutrašnjih poslova donijeti propise kojima će urediti poslove tehničke zaštite koji se odnose na upotrebu

alarmnih sistema, videonadzora ili drugih tehničkih sredstava i opreme čiji uređaji moraju imati mogućnost detekcije, signalizacije i pohranjivanja podataka, uvezivanja alarmnih sistema na dojavni centar, videonadzora koji nije uvezan na dojavni centar i poslove intervencije u slučajevima aktiviranja alarmnog sistema.”

Član 31.

Poslove projektiranja tehničke zaštite može obavljati samo ovlašteno lice registrirano za obavljanje te djelatnosti kod nadležnog suda **i agencija ili vlastita unutrašnja služba zaštite pravnog lica ako ima lica koja ispunjavaju uvjete za poslove projektiranja.**

Član 32.

Lica koja obavljaju poslove fizičke ili tehničke zaštite **ili odgovornog lica** dužna su tokom obavljanja tih poslova nositi službenu iskaznicu koju osigurava agencija.

Službenu iskaznicu, na zahtjev agencije, izdaje kantonalni organ unutrašnjih poslova prema sjedištu agencije odnosno podružnice.

Federalni ministar unutrašnjih poslova propisuje oblik i sadržaj službene iskaznice **i druga pitanja koja se odnose na nošenje iskaznice.**

Član 33.

Lice kojem je prestao radni odnos u agenciji dužno je vratiti službenu iskaznicu agenciji **ili prijaviti gubitak iskaznice u roku od tri dana od dana prestanka radnog odnosa, odnosno od dana gubitka iskaznice.**

Agencija je dužna dostaviti vraćenu službenu iskaznicu kantonalnom organu unutrašnjih poslova koji ju je izdao radi uništenja **u roku od tri dana od dana prijema vraćene iskaznice.**

“Nadležni kantonalni organ unutrašnjih poslova koji je izdao službenu iskaznicu dužan je prije izdavanja nove službene iskaznice donijeti rješenje o poništenju izgubljene ili oštećene službene iskaznice.

Član 34.

„Agencije su dužne za lica koja obavljaju poslove fizičke ili tehničke zaštite osigurati radnu uniformu, koja po boji, kroju i oznakama ne smije biti jednaka ili slična uniformi policije, uniformi Oružanih snaga Bosne i Hercegovine ili uniformi službenika drugih organa vlasti.

Radna uniforma mora biti na vidnom mjestu označena znakom agencije i na njoj istaknuta službena iskaznica lica koje je nosi.

Izuzetno, čuvari zaduženi za **fizičku zaštitu** lica prilikom obavljanja tih poslova nose civilno odijelo.

Radna uniforma može se nositi samo prilikom obavljanja poslova fizičke i tehničke zaštite.

VI ORGANIZIRANJE UNUTRAŠNJE SLUŽBE ZAŠTITE

Član 37.

Pravna lica koja se bave poslovima koji nisu obuhvaćeni čl.: 26., 26a. i 26b. ovog zakona mogu organizirati vlastitu unutrašnju službu zaštite za obavljanje poslova zaštite svoje imovine, objekata (nekretnina i prijevoznih sredstava) i lica koja se nalaze u tim objektima i prostora ili angažirati agenciju zaključenjem ugovora.

Poslovi fizičke i tehničke zaštite iz stava 1. ovog člana obavljaju se unutar prostora i objekata u kojima se obavlja djelatnost.

Organi uprave i upravne organizacije i druge institucije Federacije, kantona, grada i općine poslove fizičke i tehničke zaštite svojih zgrada i imovine (dokumentacije i sl.) mogu obavljati putem organiziranja vlastite unutrašnje službe zaštite, s tim što ti organi i organizacije koji se nalaze u istoj zgradi organiziraju zajedničku unutrašnju službu zaštite, što se vrši zaključenjem pisanog ugovora ili angažiranjem agencije, osim u slučajevima ako je za pojedine organe uprave i upravne organizacije posebnim propisom drugačije određeno.

Ako se više pravnih lica nalazi u istom objektu ili lokalitetu, mogu zaključiti pisani ugovor o zajedničkoj unutrašnjoj službi zaštite ili angažirati agenciju za te poslove.

Odobrenje za rad unutrašnjih službi u federalnim organima iz stava 3. ovog člana izdaje se uz prethodnu saglasnost Federalnog ministarstva.

Vlada Federacije na prijedlog federalnog ministra unutrašnjih poslova će odrediti federalne organe uprave i federalne upravne organizacije koje su dužne organizirati unutrašnju službu zaštite ili angažirati agencije.“

Član 39.

Nadležni organ pravnog lica, odnosno rukovodilac organa uprave i drugog organa donosi poseban akt kojim organizira vlastitu unutrašnju službu zaštite (u daljnjem tekstu: služba zaštite). Ova služba se osniva pod uvjetima u članu 11. ovog zakona.

Aktom iz stava 1. ovog člana utvrđuju se konkretni poslovi fizičke ili tehničke zaštite, određuje službeni prostor, objekti i imovina u kojima će služba obavljati svoje poslove, kao i unutrašnja organizacija te službe sa ukupnim brojem čuvara i odgovornim licem službe.

Kantonalni organ unutrašnjih poslova daje saglasnost za akt iz stava 1. ovog člana o organiziranju službe zaštite.

Član 41.

Pravno lice podnosi zahtjev za dobijanje saglasnosti za akt o organiziranju službe zaštite i odobrenje za rad kantonalnom organu unutrašnjih poslova prema sjedištu pravnog lica koje je organiziralo službu zaštite, odnosno prema sjedištu podružnice pravnog lica koje je organiziralo službu zaštite.

Zahtjev se podnosi na obrascu koji propisuje federalni ministar unutrašnjih poslova.

Uz zahtjev iz stava 1. ovog člana prilaže se osnivački akt službe zaštite, odnosno organa uprave i upravne organizacije i odgovarajući dokazi za činjenice iz člana 11. ovog zakona.

Član 43.

Kada se služba zaštite organizira u pravnim licima koja su određena aktom Vlade Federacije iz člana 26a. ovog zakona, kantonalni organ unutrašnjih poslova je dužan primjerak rješenja iz člana 40. stav 2. ovog zakona dostaviti Federalnom ministarstvu u roku od osam dana od dana donošenja rješenja.“

Član 45.

„Odredbe čl.: 2. do 7., čl. 9., 10., 10a. i 11., člana 13. st. 4., 5. i 6., čl. 14. do 19. i čl. 24., 25., 30. i 31. ovog zakona na odgovarajući način se primjenjuju i na službe zaštite.“

Član 46.

Poslove unutrašnje službe zaštite obavljaju čuvari koji u obavljanju poslova imaju prava i dužnosti utvrđene u čl. od 27. do 29. ovog Zakona.

Na čuvare službi zaštite primjenjuju se odredbe čl. 16., 32., 33. i 34. ovog Zakona.

Poslove fizičke i tehničke zaštite iz nadležnosti službe zaštite obavljaju lica koja se nalaze u radnom odnosu u pravnom licu i koja imaju certifikat za fizičku, odnosno certifikat za tehničku zaštitu i certifikat za odgovorna lica iz člana 19. ovog zakona.

Član 48.

Federalno ministarstvo vodi sljedeće evidencije:

- 8) evidenciju o izdatim odobrenjima iz člana 12a. ovog zakona;
- 9) evidenciju o zabrani rada na poslovima fizičke i tehničke zaštite iz člana 16. stav 4. ovog zakon;
- 10) evidenciju o licima kojima je izdat ili oduzet certifikat za obavljanje poslova fizičke i tehničke zaštite, odnosno certifikat za odgovorna lica;
- 11) evidenciju o saglasnostima iz člana 24. stav 4. ovog zakona;
- 12) evidenciju o izdatim posebnim saglasnostima iz člana 26. stav 2., član 26b. stav 2. i član 38. stav 5. ovog zakona;
- 13) evidenciju o izdatim posebnim odobrenjima iz člana 26b. stav 4. ovog zakona;
- 14) evidenciju o izdatim saglasnostima za procjenu ugroženosti i elaborat zaštite iz člana 26c. stav 1. tačka 1) ovog zakona.

Kantonalni organi unutrašnjih poslova vode sljedeće evidencije:

- 8) evidenciju o agencijama i podružnicama kojima je izdato odobrenje za rad;
- 9) evidenciju o podružnicama kojima je izdato odobrenje iz člana 10. stav 2. i člana 10a. tačka 2);
- 10) evidenciju o pravnim licima kojima je izdata saglasnost za akt o organiziranju unutrašnje službe zaštite i odobrenje za rad;
- 11) evidenciju o licima kojima je izdata službena iskaznica i evidenciju o izdatim i uništenim službenim iskaznicama;
- 12) evidenciju o odobrenjima za nabavku vatrenog oružja za potrebe rada agencija i unutrašnjih službi zaštite;
- 13) evidenciju o sklopljenim i raskinutim ugovorima;
- 14) evidenciju o izdatim saglasnostima za procjenu ugroženosti i elaborat zaštite iz člana 26c. stav 1. tačka 2) ovog zakona.

Agencija i njihove podružnice, odnosno pravna lica koja imaju vlastitu službu zaštite vode sljedeće evidencije:

- 11) evidenciju o licima zaposlenim za obavljanje poslova fizičke i tehničke zaštite;
- 12) evidenciju o vatrenom oružju i municiji nabavljenom za potrebe lica koja obavljaju poslove fizičke i/ili tehničke zaštite;
- 13) evidenciju o objektima i prostorima za koje je izdata posebna saglasnost iz člana 26. stav 2., člana 26b. stav 2. i člana 38. stav 5. ovog zakona;
- 14) evidenciju o licima zaduženim za službenu uniformu;
- 15) evidenciju o objektima i prostorima koji se štite tehničkom zaštitom;
- 16) evidenciju o objektima koji se štite fizičkom zaštitom;
- 17) evidenciju zaključenih i raskinutih ugovora sa korisnicima;
- 18) evidenciju održanoj provjeri gađanja iz vatrenog oružja;
- 19) evidenciju o primjeni sredstava prinude/fizičke snage vatrenog oružja;
- 20) evidenciju redovnih liječničkih pregleda čuvara.”

Član 55.

Kantonalni organi unutrašnjih poslova rješenjem će oduzeti odobrenje za rad agencije i pravnim licima u sljedećim slučajevima:

- 1) ako se utvrdi da su podaci na osnovu kojih je izdato odobrenje za rad lažni ili falsifikovani;
- 2) ako agencija ili pravno lice u ostavljenom roku ne otkloni nepravilnosti utvrđene u rješenju iz čl. **59b.** 60. ovog Zakona;
- 3) ako se u radu agencije utvrdi da ne ispunjava neki od uvjeta iz čl. 11., 12. i 16. ovog Zakona,
- 4) ako se utvrdi da agencija nije počela raditi u toku važenja odobrenja za rad iz člana 15. stav 2. ovog zakona, ukoliko nije podnijela zahtjev za produženje odobrenja;**
- 5) ako se u toku rada utvrdi da pravno lice ne ispunjava neki od uvjeta iz čl. iz člana 41. stav 3. i člana 45. ovog Zakona.

Odredbe stava 1. ovog člana primjenjuju se i na podružnice agencije i službe zaštite.

Protiv rješenja iz stava 1. ovog člana može se izjaviti žalba Federalnom ministarstvu u roku od 15 dana od dana prijema rješenja.

Član 57.

„Federalno ministarstvo rješenjem će oduzeti posebnu saglasnost agenciji, odnosno pravnom licu koje je organiziralo službu zaštite ukoliko prestane obavljati poslove utvrđene u članu: 26. stav 2., članu 26b. stav 2. i članu 38. stav 5. ovog zakona.

Rješenje iz stava 1. ovog člana je konačno i protiv njega se može pokrenuti upravni spor kod kantonalnog suda prema sjedištu prvostepenog organa.

Član 59.

Inspekcijski nadzor, prema ovom zakonu, obavlja Federalno ministarstvo i kantonalna ministarstva unutrašnjih poslova.

Federalno ministarstvo vrši inspekcijski nadzor u sljedećim subjektima:

- 5) u pravnim licima iz člana 26. stav 2., kojima je Federalno ministarstvo dalo posebnu saglasnost, kao i pravnim licima koja su utvrđena u aktu Vlade Federacije prema članu 26a. ovog zakona i agencijama i podružnicama koje imaju sklopljen ugovor za obavljanje poslova zaštite za ta pravna lica;
- 6) u pravnim licima iz člana 26b. stav 2. ovog zakona i agencijama i podružnicama koje imaju sklopljen ugovor za obavljanje poslova zaštite za ta pravna lica;
- 7) u federalnim organima uprave i federalnim upravnim organizacijama i drugim federalnim institucijama i agencijama i podružnicama koje imaju sklopljen ugovor za obavljanje poslova zaštite za te organe, organizacije i institucije iz člana 38. stav 3. ovog zakona kojima je Federalno ministarstvo dalo saglasnost;
- 8) u kantonalnim organima unutrašnjih poslova prvostepeni upravni postupak po ovom zakonu.

Ako kantonalni organ unutrašnjih poslova nije organizirao vršenje inspekcijskog nadzora po ovom zakonu, tu inspekciju vrši Federalno ministarstvo do dana kada kantonalni organ unutrašnjih poslova uspostavi tu inspekciju.

Federalno ministarstvo svake godine organizira stručnu obuku i osposobljavanje federalnih inspektora i inspektora iz kantonalnih organa unutrašnjih poslova u skladu sa programom obuke koji donosi federalni ministar unutrašnjih poslova.”

Član 59a.

Kantonalni organ unutrašnjih poslova vrši inspekcijski nadzor u sljedećim subjektima:

- 4) u pravnim licima iz člana 26. stav 3. ovog zakona, kao i pravnim licima koja su utvrđena u aktu vlade kantona i u aktu općinskog načelnika,

- odnosno gradonačelnika, doneseni prema članu 26a. i pravnim licima iz člana 26b. stav 1. ovog zakona, osim pravnih lica iz stava 2. tog člana i agencijama i podružnicama koje imaju sklopljen ugovor za obavljanje poslova zaštite za ta pravna lica,
- 5) u kantonalnim, općinskim i gradskim organima uprave i upravnim organizacijama i drugim institucijama kantona, grada i općine i agencijama i podružnicama koje imaju sklopljen ugovor za obavljanje poslova zaštite za te organe, organizacije i institucije,
 - 6) u pravnim licima iz člana 38. stav 1. ovog zakona i agencijama i podružnicama koje imaju sklopljen ugovor za obavljanje poslova zaštite za ta pravna lica.

Član 59b.

Pravna lica, agencije i njihove podružnice te organi uprave i drugi organi iz čl. 59. i 59a. ovog zakona dužni su postupati po rješenju federalnog i kantonalnog inspektora u roku određenom u rješenju koji ne može biti duži od 30, odnosno od 60 dana od dana uručenja rješenja agenciji ili pravnom licu, odnosno organu uprave ili drugom organu.

Protiv rješenja iz stava 1. ovog člana može se izjaviti žalba Federalnom ministarstvu u roku od osam dana od dana prijema rješenja.

Žalba ne odlaže izvršenje rješenja.

Federalno ministarstvo je dužno riješiti žalbu iz stava 2. ovog člana u roku od 15 dana od dana prijema žalbe i spisa predmeta.

Rješenje doneseno po žalbi je konačno i protiv njega se može pokrenuti upravni spor kod nadležnog kantonalnog suda u roku od 30 dana od dana prijema rješenja.

Član 59c.

Federalni i kantonalni inspektori koji vrše inspekcijski nadzor iz čl. 59. i 59a. ovog zakona u vršenju inspekcijskog nadzora postupaju po odredbama ovog zakona i podzakonskim propisima donesenim na osnovu ovog zakona.

Pri vršenju inspekcijskog nadzora federalni i kantonalni inspektori postupaju po odredbama čl. 117. do 136. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), kao i odredbama Zakona o upravnom postupku.

Član 59d.

Za federalnog, odnosno kantonalnog inspektora može se postaviti lice koje ima najmanje visoku stručnu spremu (VII stepen), odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa bolonjskog sistema studiranja i to završen: pravni, elektrotehnički, mašinski, informatički, kriminalistički, ekonomski i fakultet političkih nauka – sigurnost i politologija, najmanje tri godine radnog staža, položen stručni ispit za rad u državnoj upravi i ispit predviđen za inspektore za zaštitu ljudi i imovine predviđen ovim zakonom.

Ispit za inspektore za zaštitu ljudi i imovine polaže se po programu iz člana 59e. ovog zakona pred komisijom koju imenuje federalni ministar unutrašnjih poslova.

Član 59e.

Inspekcijski nadzor (federalni i kantonalni) obuhvata sva pitanja koja se odnose na osnivanje i rad agencija i vlastitih unutrašnjih službi zaštite, upravno rješavanje i druga pitanja uređena ovim zakonom i sve podzakonske propise donesene na osnovu ovog zakona, što se bliže uređuje propisom iz stava 2. ovog člana.

Federalni ministar unutrašnjih poslova će propisati sadržaj i način inspekcijskog nadzora iz čl. 59. i 59a. ovog zakona i donijeti Program polaganja ispita za inspektore iz člana 59d. ovog zakona i propisati način polaganja tog ispita.“

Član 60.

U obavljanju poslova inspekcijskog nadzora **federalni i kantonalni** inspektor može privremeno, do roka **do 30, odnosno do 60 dana** određenog za otklanjanje utvrđenih nepravilnosti, rješenjem zabraniti agenciji, odnosno pravnom licu koje je organiziralo unutrašnju službu zaštite obavljanje poslova fizičke ili tehničke zaštite ako utvrdi:

- 1) da obavlja djelatnost koja nije predviđena rješenjem o upisu u sudski registar;
- 2) da su za obavljanje poslova fizičke ili tehničke zaštite angažirana lica koja nemaju certifikat;
- 3) da nema odobrenja za rad odnosno **posebno odobrenje za rad**;
- 4) da nema elaborat o sigurnosti i procjenu ugroženosti.

Protiv rješenja iz stava 1. ovog člana može se izjaviti žalba Federalnom ministarstvu u roku od osam dana od dana prijema rješenja.

Žalba ne odlaže izvršenje rješenja.

Federalno ministarstvo dužno je donijeti rješenje po žalbi iz stava 2. ovog člana u roku od **15** dana od dana prijema žalbe.

Član 61.

Novčanom kaznom u iznosu od 7.000,00 KM do 15.000,00 KM kaznit će se za prekršaj pravno lice:

- 4) ako ne organizira službu zaštite iz člana 26a., i 26b. ovog zakona ili ne angažira agenciju,
- 5) ako obavljanje poslova zaštite iz člana 26. stav 2. i član 26b. stav 2. ovog zakona povjeri agenciji koja nema saglasnost Federalnog ministarstva,
- 6) ako bez odobrenja za rad obavlja poslove iz nadležnosti agencije ili službe zaštite.

Novčanom kaznom u iznosu od 1.000,00 KM do 3.000,00 KM kaznit će se i odgovorno lice u pravnom licu.

Član 61.

Novčanom kaznom u iznosu od 5.000,00 KM do 15.000,00 KM kaznit će se za prekršaj agencija ili pravno lice koje ima organiziranu unutrašnju službu zaštite:

- 16) ako obavlja poslove iz člana 2. st. 2. i 3. ovog zakona;

- 17) ako obavlja poslove iz člana 6. ovog zakona;
- 18) ako u obavljanju poslova zaštite iz svoje nadležnosti primjenjuje operativne metode i sredstva ili na način suprotan članu 7. ovog zakona;
- 19) ako ne posjeduje odgovarajuća tehnička sredstva i opremu za obavljanje poslova fizičke i tehničke zaštite u podružnici (član 10. stav 3.);
- 20) ako obavlja poslove zaštite bez odobrenja za rad ili prije dobijanja rješenja o upisu u sudski registar (član 14. i član 15. stav 1.);
- 21) ako za obavljanje poslova zaštite angažira lica koja ne ispunjavaju uvjete iz člana 16. stav 1. ovog zakona, odnosno koja nemaju certifikat (član 19.);
- 22) ako sa licem za obavljanje poslova zaštite ne zaključi pisani ugovor o radu ili ne osigura predviđeno radno vrijeme (član 22.);
- 23) ako u obavljanju poslova zaštite koristi vatreno oružje koje nije nabavljeno na zakonom propisani način ili posjeduje više vrsta vatrene oružja od dozvoljenog ili drži nedozvoljeno oružje (član 24.);
- 24) ako obavlja poslove zaštite bez posebne saglasnosti Federalnog ministarstva (član 26. stav 2., član 26b. stav 2. i član 38. stav 5.);
- 25) ako ne organizira fizičku i tehničku zaštitu prema članu 26. stav 3. ovog zakona;
- 26) ako organizira unutrašnju službu zaštite ili angažira agenciju bez saglasnosti Federalnog ministarstva (član 26b. stav 2) ili ne obavlja poslove prijevoza i prijenosa novca, vrijednosnih papira i dragocjenosti blindiranim vozilom i sigurnosnom kasom, odnosno spremnikom, za šta mora imati odobrenje Federalnog ministarstva (član 26b. stav 4.);
- 27) ako ne izradi procjenu ugroženosti i elaborat zaštite ili ne pribavi saglasnost na te akte od nadležnog organa (član 26c.);
- 28) ako poslove projektiranja tehničke zaštite obavlja lice koje nije registrirano za obavljanje te djelatnosti (član 31.);
- 29) ako ne zaključi ugovor o osiguranju od odgovornosti za štetu (član 35.);
- 30) ako ne postupi po rješenju inspektora (čl. 59b. i 60.).

Novčanom kaznom u iznosu od 1.500,00 KM do 3.000,00 KM kaznit će se za prekršaj iz stava 1. ovog člana i odgovorno lice agencije, odnosno pravnog lica, s tim da se za prekršaj iz stava 1. tačka 10) ovog člana rukovodilac pravnog lica kažnjava novčanom kaznom u iznosu od 3.000,00 KM.

Za ponovljene prekršaje iz stava 1. tač.: 1), 2), 3), 6) i 9) ovog člana nadležni sud može uz novčanu kaznu pravnom licu izreći i zaštitnu mjeru zabrane obavljanja fizičke ili tehničke zaštite do šest mjeseci.“

Član 62.

Novčanom kaznom u iznosu od 3.000,00 KM do 10.000,00 KM kaznit će se za prekršaj agencija ili pravno lice koje ima organiziranu unutrašnju službu zaštite:

- 14) ako obavlja poslove zaštite na području drugog kantona van kantona u kojem ima svoje sjedište, a nije osnovalo podružnicu (član 10. stav 1.);
- 15) ako za podružnicu ne pribavi odobrenje za rad iz člana 10. stav 2. ovog zakona;

- 16) ako u roku ne obavijesti kantonalni organ unutrašnjih poslova o obavljanju poslova iz člana 10. stav 6. i člana 10a. tačka 1) ovog zakona ili obavlja poslove a nije pribavilo odobrenje iz člana 10a. tačka 2) ovog zakona;
- 17) ako ne prijavi promjene iz člana 13. st. 4., 5. i 6. ovog zakona;
- 18) ako postupi po odredbi člana 15. stav 3. ovog zakona;
- 19) ako poslove zaštite obavlja na osnovu ugovora o djelu (član 21.);
- 20) ako ne osigura periodičnu provjeru u rukovanju oružjem ili periodičnu provjeru zdravstvene i psihofizičke sposobnosti zaposlenika ili ne organizira stručnu obuku za lica koja obavljaju poslove fizičke ili tehničke zaštite (član 25. stav 1.);
- 21) ako ne dostavi izvještaj kantonalnom organu unutrašnjih poslova u roku iz člana 29. stav 6. ovog zakona;
- 22) ako se ne stara o obavezi iz člana 29. stav 7. ili ne osigura spremnik za čuvanje vatrenog oružja iz stava 8. tog člana;
- 23) ako tehničku zaštitu iz člana 30. stav 1. ne obavlja u skladu sa propisom iz stava 5. tog člana ili u skladu sa propisom iz stava 1. tačka 10) tog člana (član 30. stav 1.);
- 24) ako ne osigura odgovarajuću intervenciju u slučajevima aktiviranja alarmnog sistema najdalje u roku do 15 minuta od aktiviranja ili dojave ili intervenciju obavlja vozilom koje nije označeno znakom agencije (član 30. st. 3. i 4.);
- 25) ako ne osigura radnu uniformu za lica koja obavljaju poslove fizičke ili tehničke zaštite (član 34. stav 1.);
- 26) ako za obavljanje fizičke i tehničke zaštite angažira lica koja se ne nalaze u radnom odnosu (član 46. stav 3.).

Novčanom kaznom u iznosu od 500,00 KM do 2.000,00 KM kaznit će se za prekršaj iz stava 1. ovog člana i odgovorno lice agencije, odnosno unutrašnje službe zaštite.

Član 62a.

Novčanom kaznom u iznosu od 1.000,00 KM do 5.000,00 KM kaznit će se za prekršaj agencija ili pravno lice koje ima organiziranu unutrašnju službu zaštite:

- 7) ako ne prijavi promjene iz člana 16. stav 3. ovog zakona;
- 8) ako poslove zaštite iz svoje nadležnosti obavlja bez zaključenog pisanog ugovora (član 20. stav 1.);
- 9) ako u roku ne dostavi kantonalnom organu unutrašnjih poslova zaključeni ili raskinuti ugovor ili primjerak tih ugovora ne dostavi Federalnom ministarstvu (član 20. stav 3.);
- 10) ako ne osigura potrebne službene iskaznice (član 32. stav 1.);
- 11) ako u roku službenu iskaznicu ne dostavi kantonalnom organu unutrašnjih poslova radi uništenja (član 33. stav 2.);
- 12) ako ne vodi evidencije iz člana 48. stav 3. ovog zakona.

Novčanom kaznom u iznosu od 300,00 KM, do 1.000,00 KM kaznit će se za prekršaj iz stava 1. ovog člana i odgovorno lice agencije, odnosno unutrašnje službe zaštite.“

Član 63.

Novčanom kaznom u iznosu od 200,00 KM do 1.000,00 KM kaznit će se za prekršaj čuvar agencije, odnosno unutrašnje službe zaštite:

- 8) ako radnje iz člana 27. stav 1. ovog zakona ne obavlja na način koji je za te radnje utvrđen u propisu iz stava 6. tog člana (član 27. stav 1.);
- 9) ako u roku ne podnese pisani izvještaj iz člana 29. stav 5. ovog zakona;
- 10) ako u toku obavljanja poslova zaštite nosi oružje izvan objekta koji štiti ili poslije završenog radnog vremena (član 29. stav 6.);
- 11) ako u toku obavljanja poslova zaštite ne nosi službenu iskaznicu (član 32. stav 1.);
- 12) ako u roku ne vrati službenu iskaznicu ili ne prijavi gubitak iskaznice (član 33. stav 1.);
- 13) ako u toku obavljanja poslova zaštite ne nosi službenu iskaznicu istaknutu na vidnom mjestu uniforme (član 34. stav 2.);
- 14) ako u toku obavljanja poslova zaštite ne nosi radnu uniformu ili radnu uniformu nosi poslije radnog vremena (član 34. stav 4.).

Član 63a.

Pod odgovornim licem iz člana: 61. stav 2., člana 61a. stav 2., člana 62. stav 2. i člana 62a. stav 2. ovog zakona podrazumijeva se rukovodilac agencije, a u pravnom licu rukovodilac pravnog lica u kojem je organizirana unutrašnja služba zaštite, s tim da rukovodilac te službe odgovara samo ako se radi o poslovima za koje je on nadležan prema aktu o organiziranju službe iz člana 39. stava 2. ovog zakona.

Pokretanje prekršajnog postupka i izdavanje prekršajnog naloga vrši se po Zakonu o prekršajima u Federaciji Bosne i Hercegovine („Službene novine Federacije BiH“, broj 31/06).“

Član 64a.

Federalni i kantonalni inspektori iz člana 59e. ovog zakona koji se na dan stupanja na snagu ovog zakona zateknu na poslovima inspektora nastavljaju da vrše poslove inspektora u skladu s ovim zakonom, s tim što su dužni položiti ispit za inspektora iz člana 59d. stav 2. ovog zakona u roku od godinu dana od dana stupanja na snagu propisa iz člana 59e. ovog zakona.

Član 64b.

Lica iz člana 18. stav 1. ovog zakona koja se na dan stupanja na snagu ovog zakona zateknu na poslovima tehničke zaštite, a imaju cetifikat za obavljanje poslova tehničke zaštite izdat prije stupanja na snagu ovog zakona, ostaju na tim poslovima i to važi samo za ta lica.

Član 64c.

Agencije i pravna lica koja imaju unutrašnju službu zaštite koja obavlja samo poslove fizičke zaštite ili poslove i fizičke i tehničke zaštite na području drugog kantona, odnosno van svog sjedišta, a nisu osnovali podružnicu, dužni su te podružnice osnovati u skladu sa članom 10. ovog zakona u roku od šest mjeseci od dana donošenja propisa iz člana 11. stav 2. ovog zakona.“

Član 65a.

Ovlašćuje se Zakonodavno-pravna komisija Predstavničkog doma i Zakonodavno-pravna komisija Doma naroda Parlamenta Federacije Bosne i Hercegovine da utvrde prečišćeni tekst ovog zakona u roku od 30 dana od dana stupanja na snagu ovog zakona.“

